


土岐文庫  
文庫17  
W110  
9



文章 17  
W110  
9

集千家註杜工部詩集卷之十七

豎子至

天曆二年夏夔州作鶴曰公時居夔州之瀼西

榼梨且綴碧梅

杏半傳黃小子幽園至輕籠

熟榛香山風猶

滿把野露及新嘗歌枕江湖

客提攜日月長

洙曰且一作纒敬枕一作欲寄

槐葉冷淘

青青高槐葉采

掇付中厨新麪來近市汁滓

宛相俱入鼎資

過熟加餐愁欲無碧鮮俱照



昭和六年二月一日贈  
王以善書唐氏寄

010185192402

筋香飯兼苞蘆經齒冷於雪勸人投比珠願  
隨金腰裏走置錦屠蘇路遠思恐泥興深終  
不渝獻芹則小小薦藻明區區萬里露寒殿  
開冰清玉壺君王納晚涼此味亦時須夢弼曰苞蘆謂蘆筍也洙曰金腰裏馬也修可曰屠蘇字或作屠蘇玉篇云屠蘇庵也通俗文屋平曰屠蘇廣韻云屠蘇草庵又屠蘇酒蓋昔人居廬廡釀酒因名今詳是詩走置錦屠蘇正謂屋也古樂府插腰銀七首障日錦屠蘇洙曰語致遠恐泥獻芹見嵇康絕交書薦藻出傳左

園

仲夏流多水清晨向小園碧溪搖艇開朱果  
爛枝繁始為江山靜終防市井喧畦蔬繞茅  
屋自足媚盤餐趙曰盤餐字出左傳

歸

束帶還騎馬東西却渡船林中纔有地峽外  
絕無天虛白高人靜喧卑俗累牽他鄉閱遲  
暮不敢廢詩篇不曰夔州居山水間在峽中說為稍平莊子虛室生白趙

歸人寰之喧里

上後園山脚

朱夏熱所嬰清且步北林小園背高岡挽葛  
上崎崙曠望延駐日飄飄散踈襟潛鱗恨水  
壯去翼依雲深勿謂地無疆劣於山有陰石  
標遍天下水陸兼浮沉自我登隴首十年經  
碧岑劒門來巫峽薄倚浩至今故園暗戎馬  
骨肉失追尋時危無消息老去多歸心志士

借白日久客藉黃金敢為蘇門嘯庶作梁父

吟天覺曰崎嶇山貌洙曰山北曰陰田曰唐韻標音原木名或云善本止是石原字沈

曰石標其子如芎藭其皮可以禦饑時天下荒亂小民轉溝壑水陸並載石標以充糧也

趙曰古詩志士借白日洙曰晉阮籍嘗於蘇門山遇孫登與商略終古及樓神導氣之術登皆不應籍因長嘯而退

蜀志諸葛亮好為梁父吟

諸葛廟

久遊巴子國屢入武侯祠竹日斜虛寢溪風  
滿薄帷君臣當共濟賢聖亦同時翊戴歸先

主并吞更出師，蟲蛇穿畫壁。巫覡醉蛛絲，描寫

不盡雖無上句荒落可見歛憶吟梁父，躬耕起未遲。夢弱曰國

語在男曰覲在女曰巫覡研歷切趙曰張衡東京賦巫覡操蒯

舍弟觀歸藍田迎新婦送示二首

汝去迎妻子，高秋念却迴。即今螢已亂，好與

鴈同來東望西。江永南遊北戶開，卜居期靜

處，會有故人杯。趙曰詩江之永矣吳都賦開此戶以向日

楚塞難為路，藍田莫滯留。衣裳判白露，鞍馬

信清秋。春風自信牙檣動滿峽重江水，開帆

八月舟。此詩同一醉，應在仲宣樓。趙曰後漢末王粲字

仲宣依劉表於荊州因登樓而作賦其後指荊州樓為仲宣樓

行宮張望補稻畦水歸

東屯大江北，白頃平若按。六月青稻多，千畦

碧泉亂。插秧適云已，引溜加漑灌。吏僕往方

塘，決渠當斷岫。公私各地著，浸潤無天旱。主

守問家臣，分明見溪畔。芊芊爛翠羽，劍劍生

銀漢鷗鳥鏡裏來。關山雪邊看。秋菰成黑米。精鑿傳白粲。玉粒足晨炊。紅鮮任霞散。終然添旅食。作苦期壯觀。遺穗及衆多。我倉戒滋蔓。

壯觀滋蔓。洙曰。更僕以菑次更伐使之也。禮記乃留更僕。劉公幹詩。方塘含白水。漢食貨志。理民之道也。著爲本注。謂安土也。著涉畧切。夢弼曰。大夫之臣曰家。臣家臣主守田野。此卽是指行官而言也。趙曰。鏡裏雪邊。皆言畦水之明潔也。夢弼曰。西京雜記。菰有米。長安人謂之彫胡。趙曰。精鑿。出左傳。案食不鑿鑿。音作謂治米使白。晁曰。傳合也。謂以菰米合白粲炊。洙曰。揚傳。田家作苦。

返照

王宮北正黃昏。白帝城西過雨痕。返照入江。石壁歸雲擁樹。失山村。字字衰年肺病。著意。

唯高枕絕塞。愁時早閉門。不可久留。豺虎亂南方。實有未招魂。語不輕易。未以不得歸歸於魂之未。招怨歎深矣。

灑澗

灑澗既沒孤根深。西來水多愁太陰。江天漠漠。鳥雙去。風雨時時龍。一吟舟人漁子歌。回

悲涼詞 却甚雄 此以見 杜老 力直 中後

首估客胡商淚滿襟寄語舟航惡年少休翻

鹽井橫黃金夢弼曰寰宇記灩澦堆冬來出

戶孟切不以理也洙曰一作擲

季夏送鄉弟韶陪黃門從叔朝謁鶴

尚存

時杜鴻漸以黃門侍郎同平章事鎮蜀既平崔旰之難遂還朝

隼中

令弟尚為蒼水使公自注韶北兼開江使通成都外江下峽舟船名

直

家莫出杜陵人北來相國兼安蜀太直歸赴

咳也

朝廷已入秦捨舟策馬論兵地拖玉腰金報

玉身莫度清秋吟蟋蟀此吟蟋蟀亦過然出於子美未必不為名

言早聞黃閣畫麒麟趙曰吳越春秋禹傷父

以祭仰天而嘯忽夢赤繡衣男子自稱玄夷

蒼水使者謂禹曰欲得我山神書者齋焉禹

乃退齋三日遂獲金簡玉字之書言治水之

要洙曰長安有南北杜最為名家趙曰漢武

帝圖畫功臣

夔州歌十絕句

中巴之東巴東山江水開闢流其間白帝高

為三峽鎮夔州險過百牢關趙曰水經劉璋

有巴西有巴東宋曰十道志梁州有百牢關

白帝夔州各異城蜀江楚峽混殊名英雄割

據非天意霸王并吞在物情夢弼曰王去聲

羣雄競起向前朝王者無外見今朝比訝漁

陽結怨恨元聽舜日舊簫韶趙曰明皇寵幸祿山卒以怨恨

起兵於漁陽此句含蓄美中有刺簫韶謂霓裳曲也

赤甲白鹽俱刺天閭閻繚繞接山巔楓林橘

樹丹青合複道重樓錦繡懸

灤東灤西一萬家江北江南春冬花背飛鷁

子遺瓊藥相趁見雛入蔣牙趙曰王粲白鶴賦食靈岳之瓊

藥夢弼曰唐韻蔣菰草也

東屯稻畦一百頃北有澗水通青苗晴浴狎

鷗分處處雨隨神女下朝朝脩可曰夔有平苗號青苗陂

蜀麻吳鹽自古通萬斛之舟行若風長年三

老長歌裏白晝攤錢高浪中洙曰峽人謂操舟人為長年三

老長上聲田曰後漢梁冀傳少好意錢之戲注引何承天纂文曰詭億一曰射意一曰射



數即攤錢也

憶昔咸陽都市合山水之圖張賣時巫峽曾  
經寶屏見楚宮猶對碧峰疑

閩風玄圃與蓬壺中有高堂天下無借問夔

州壓何處峽門江腹擁城隅

武侯祠堂不可忘中有松柏叅天長干戈滿

地客愁破雲日如火炎天涼

惟此最得歌體踈暢磊落

上卿翁請修武侯廟遺像缺落時崔

卿權夔州

因其權州即託以此古人惟恐失之

大賢為政即多聞刺史真符不必分尚有西  
郊諸葛廟臥龍無首對江濶

又上後園山脚

昔我遊山東憶戲東岳陽窮秋立日觀矯首  
望八荒朱崖著毫髮碧海吹衣裳蓐收困用  
事玄冥蔚強梁逝水自朝宗鎮石各其方平  
原獨憔悴農力廢耕桑非關風露凋曾是戍

役傷於時國用富足以守邊疆朝廷任猛將  
遠奪戎虜場到今事反覆故老淚萬行龜蒙  
不可見況乃懷故鄉肺萎屬父戰骨出熱中  
腸憂來杖匣劍更上林北岡瘴毒猿鳥落峽  
乾南日黃秋風亦已起江漢始如湯登高欲  
有往蕩析川無梁哀彼遠征人去家死路傍  
不及父祖塋纍纍塚相當謂死戰地也。本  
上後園山脚耳却  
從昔登東岳俯望中州轉及時事情緒闊遠  
故收拾悲慟。鶴曰東岳在兗州卽齊地洙

曰朱崖海南州也碧海在東蓐收秋神玄冥  
冬神也鶴曰平原指德州屬河北道開元朱  
張守珪使祿山討奚契丹故戍役爲民害公  
言至趙時事也龜蒙二山名龜山在兗州蒙  
山在青州

夜雨

王云清潤婉絕寒風吹細雨之景當時正如今日

小雨夜復密迴風吹早秋野涼侵閉戶江滿  
帶維舟清通籍恨多病爲郎忝薄遊天寒出  
巫峽醉別仲宣樓洙曰仲宣樓指  
荆州注見前

更題

上集卷一

只應踏初雪，騎馬發荊州。直怕巫山雨，真傷  
 白帝秋。羣公蒼玉佩，天子翠雲裘。同舍晨趨  
 侍，胡為淹此留。洙曰：晉公卿禮秩特進尚書  
 令皆佩水蒼玉。趙曰：宋玉賦

峽隘

聞說江陵府，雲沙靜眇然。白魚如切玉，朱橘  
 不論錢。水有遠湖樹，人今何處船。青山各在  
 眼，却望峽中天。

秋行官張望督促東渚耗稻向畢清

晨遣女奴阿稽，豎子阿段往問。鶴曰：官猶

言門官漢高帝紀有功勞行田宅使

古曰：行音行酒之行猶付與也今使

之領田故曰行官東渚即東屯耗

稻謂蒲稗之能為禾害者當去之

韓文答孟簡書云行官自吉州還

唐人自有此引門官與航田皆不

8

東渚雨今足，佇聞粳稻香。上天無偏頗，頗蒲稗  
 各自長。人情見非類，田家戒其荒。功夫競搢

表

里以大  
本領方  
如昔也  
他尚真  
實也

掃除草置忻傷穀者命之本客居安可忘青  
春具所務勤懇免亂常吳牛力容易並驅動  
莫當豐苗亦已概雲水照方塘有生固蔓延  
靜一資隄防督領不無人提攜頗在綱荆揚  
風土暖肅肅候微霜尚恐主守疎用心未甚  
臧清朝遣婢僕寄語踰崇岡西成聚必散不  
獨陵我倉豈要仁里譽感此亂世忙不知所  
收幾何  
尚願散之鄰里其盛心  
如此注者乃不盡知北風吹蒹葭蟋蟀近

中堂荏苒百工休鬱紆遲暮傷

洙曰莊子櫛  
櫛然用力甚

多而見功寡措苦骨切鄭曰概儿利切攪也  
趙曰主守謂行官張望洙曰潘安仁籍田賦  
我倉如陵我庾如坻  
記月令霜降百工休

阻雨不得歸灤西甘林

三伏適已過驕陽化為霖欲歸灤西宅阻此  
江浦深壞舟白板坼峻岼復萬尋篙工初一  
棄恐泥勞寸心屢用佇立東城隅悵望高飛  
禽草堂亂玄圃不隔崑崙岑昏渾衣裳外昏

生語曠絕同曾陰園甘長成時三寸如黃金諸

侯舊上計厥貢傾千林邦人不足重所迫豪

吏侵客居暫封殖日夜偶瑤琴本不相著虛

徐五株態側塞煩曾襟焉得輟兩足杖藜出

嶇嶽條流數翠實偃息歸碧潯拂拭烏皮几

喜聞樵牧音令兒快搔背脫我頭上簪洙曰

紀計借注計者上計薄也鶴曰唐志夔州貢  
柑橘夢弼曰日夜偶瑤琴謂聽其風韻若鼓  
琴馬趙曰謝眺  
有詠烏皮隱几詩

柴門

泛舟登灤西迴首望兩崖東城乾旱天其氣

如焚柴長影沒窈窕餘光散餘研大江蟠嶽

根歸海成一家下衝割坤軸竦壁攢鏤蕭

瑟灑秋色氣昏霾日車峽門自此始最窄容

浮查禹功翊造化疏鑿就欹斜巴渠決太古

衆木為長蛇風煙渺吳蜀舟楫通鹽麻我今

遠遊子飄轉混泥沙萬物附本性約身不願

奢茅棟蓋一牀清池有餘花濁醪與脫粟在  
眼無咨嗟山荒人民少地僻日夕佳貧病固  
其常富貴任生涯老於干戈際宅幸蓬草遮  
石亂上雲氣杉青延日華賞妍又分外理愜  
夫何誇足了垂白年敢居高士差師注差輩也未開殆  
肩差耳但言高士差亦可一笑書此豁平昔廻首猶暮霞夢  
曰豁火含切舒虛加切谷中也嵌  
近銜切嵌岩也洙曰夢弼為夷丹

甘林

捨舟越西岡入林解我衣青芻適馬性好鳥  
知人歸晨光映遠岫夕露見日晞遲暮少寢  
食清曠喜荆扉經過倦俗態在野無所違試  
問甘藜藿未肯羨輕肥喧靜不同科出處各  
天機勿矜朱門是陋此白屋非明朝步鄰里  
長老可以依時危賦斂數脫粟為爾揮相攜  
行豆田秋花藹菲菲子實不得喫貨市送王  
畿盡添軍旅用迫此公家威賣豆助軍詩人  
有過甚者然足

以主人長跪辭戎馬何時稀我衰易悲傷屈  
指數賊圍勸其死王命慎莫遠奮飛鶴曰按唐史是

年吐蕃寇近畿故此詩有軍興賦斂之語

暇日小園散病將種秋菜督勒耕牛

兼書觸目

不愛入州府畏人嫌我真及乎歸茅宇傷舍  
未曾噴老病思拘束應接喪精神江村意自  
友林木心所欣秋耕屬地濕山雨近甚勻冬

菁飯之半飲之半亦奇怪牛力晚來新深耕種數畝

未甚後四鄰嘉蔬既不一名數頗具陳荆巫

非苦寒採擷接青春飛來兩白鶴暮啄泥中

芹雄者左翮垂損傷已露筋一步再流血尚

經增繳勤三步六號叫號惟志屈悲哀頻

鸞鳳不相待側頸訴高旻杖藜俯沙渚為汝

鼻酸辛洙曰尚經增微勤經一作驚夢弼曰

絲繫矢而射也

月

斷續巫山雨，天河此夜新。若無青嶂月，愁殺白頭人。魍魎移深樹，蝦蟆動半輪。故園當北斗，直想照西秦。

趙曰：長安上直北，斗公之家在。

見螢火

巫山秋夜螢火飛，簾竦巧入坐人衣。忽驚屋裏琴書冷，復亂簷前星宿稀。却繞井欄添箭筈，偏經花藥弄輝輝。滄江白髮愁看汝，來歲

如今歸未歸

寄劉峽州伯華使君四十韻

峽內多雲雨，秋來尚鬱蒸。遠山朝白帝，深水謁夷陵。遲暮嗟為客，西南喜得朋。哀猿更起坐，落鴈失飛騰。伏枕思瓊樹，臨軒對玉繩。青松寒不落，碧海闊逾澄。昔歲文為理，羣公價盡增。家聲同令聞，時論以儒稱。太后當朝肅，頌則多才接迹昇。翠虛捎魍魎，丹極上鯤鵬。

上集卷二十七

七

啓



宴引春壺滿一作酒恩分夏簞冰只合滿字壺

義虛雕章五色筆紫殿九華燈即酒矣冰字學並盧王敏

書偕褚薛能老兄真不墜小子獨無承近有

風流作聊從月繼徵放蹄知赤驥換翅服蒼

鷹卷軸來何晚襟懷庶可憑會期吟諷數益

破旅愁凝雕刻初誰料纖毫欲自矜神融躡

飛動戰勝洗侵凌妙取筌蹄棄高宜百萬層

白頭遺恨在青竹幾人登回首追談笑勞歌

踟寢興年華紛已矣世故莽相仍刺史諸侯

貴郎官列宿應潘生驂閣遠黃霸重書增乳

贊號攀石饑鼯訴落藤藥囊親道士灰劫問

胡僧憑久烏皮綻簪稀白帽稜林居看蟻穴

野食待魚魯筋力交凋喪飄零免戰兢皆為

百里宰正似六安丞此六安丞亦難注姤女縈新裏

丹砂冷舊秤但求椿壽永莫慮杞天崩鍊骨

調情性張兵撓棘矜養生終自惜伐數必全

懲政術甘踈誕詞場愧服膺展懷詩誦魯割

愛酒如澗咄咄寧書字冥冥欲避矰江湖多

白鳥天地有青蠅注或以白鳥為蚊蚋非豈

○洙曰峽州夷陵郡趙曰更起坐更音平聲

洙曰玉繩星名謝玄暉詩王繩低建章趙曰

家聲同今聞公言已與劉使君也洙曰甘泉

賦指夔魘注指殺也南史江淹夢得五色筆

西京雜記元日燃九華燈於終南山下盧王

褚薛謂盧照鄰王勃諸遂良薛稷也趙曰聊

從月繼徵謂劉使君近詩可以月月相繼而

求之也洙曰易得魚忘筌得兔忘蹄青竹青

簡也趙曰勞歌竭寢興謂勞我歌詠而踳蹟

於寢興之間也趙曰郎官公自謂也漢明帝

云郎官上應列宿出宰百里洙曰潘生驂關

遠一作潘安雲閣遠晉潘岳以太尉掾寓直

于散騎之省高閣連雲陽景罕曜夙興晏寢

匪逞底寧其辭見岳秋興賦漢黃霸為潁川

太守治為天下第一宣帝下詔稱揚賜關內

侯贊音吠注見八哀詩漢武帝穿昆明池悉

是灰墨有胡僧云天地大劫將盡則有劫灰

此劫灰之餘也夢符曰後漢桓譚數言事忤

肯出為六安郡丞趙曰公謂昔為郎官自可

出宰以言房瑄故正如桓譚之忤旨也洙曰

姁女丹砂修煉之事注見前莊子上古有大

椿者以八千歲為春八千歲為秋列子杞國

有人憂天崩墜身無所寄漢徐樂書陳涉起

窮巷奮棘矜注棘戟也矜戟之把也時秦銷

兵器故但有戟之把耳矜音巨巾反夢蘇曰

上集卷一 一

非沫曰禮記顏子得一善則拳拳服膺晉殷  
浩被廢終日書空作咄咄怪事四字楊子鴻  
飛冥冥弋人何篡焉詩青蠅喻讒人也鮑曰  
江湖多白鳥與白鷗波浩蕩意同言自適也

草閣

草閣臨無地柴扉永不關魚龍迴夜水星月  
動秋山久露晴初濕高雲薄未還泛舟慚小  
婦飄泊損紅顏句以秋媚見侍人何詩

月

併照巫山出新窺楚水清羈棲愁裏見二十

四迴明必驗升沉體如知進退情不違銀漢

落亦伴玉繩橫是愛月者也鶴曰公在雲安  
與夔州歷望夜見月凡二十

四回趙曰公謂看月至盡夜不逢  
銀漢落時亦必伴玉繩橫然後止

十七夜對月

秋月仍圓夜江村獨老身捲簾還照客倚杖  
更隨人自是不道人光射潛蚪動明蠶宿鳥頻茅  
齋依橘柚清切露華新

白露

白露團甘子，清晨散馬蹄。圃開連石樹，船渡入江溪。憑几看魚樂，迴鞭急鳥棲。漸知秋實美，幽徑恐多蹊。

孟氏鶴曰孟十二倉曹與十四主簿也

孟氏好兄弟，養親唯小園。承顏舐手足，坐客強盤餐。負米力葵外，力葵固不可解夕葵亦晦讀書秋樹根。卜鄰慚近舍，訓子覺先門。洙曰家語子路為親負米夢弼

曰力一作夕洙曰先門謂孟母教子擇鄰也

驅豎子摘蒼耳

王云正不必作

江上秋已分，林中瘴猶劇。畦丁告勞苦，無以供日夕。蓬莠猶不焦，野蔬暗泉石。卷耳況療風，童兒且時摘。侵星驅之去，爛熳任遠適。放筐亭午際，洗剝相蒙翳。登牀半生熟，下筋還小益。加點瓜薤間，依稀橘奴跡。亂世誅求急，黎民糠粃窄。飽食復何心，荒哉膏粱客。富家厨肉臭，戰地骸骨白。寄語惡少年，黃金且休

思

擲夢弼曰登牀謂薦之於俎也趙曰小益謂卷耳菜能療風也宋曰李衡種橘於龍陽洲謂其子曰吾有千頭木奴歲可收絹千匹  
夢符曰漢書陳平傳亦食糠覈耳注云覈音紇京師人謂麤屑為紇頭唐柳芳氏族論三世有三公者曰膏梁有令僕曰華腴夢弼曰西京雜記漢佞幸有韓嫣好彈以金為丸所失者日有千餘長安為之語曰苦饑寒逐金丸

○同元使君春陵行

大曆二年秋夔州作鶴曰公時居夔

西之灤

覽道州元使君結春陵行兼賊退後示

官吏作二首志之曰當天子分憂之地

效漢官良吏之日今盜賊未息知民疾

苦得結輩十數公落落然參錯天下為

邦伯萬物吐氣天下少安可待矣不意

復見此與體制微婉頓挫之詞感而有

詩增諸卷軸簡知我者不必寄元此意尤好

遭亂髮盡白轉衰病相嬰沉緜盜賊際狼狽

江漢行歎時藥力薄為客羸瘵成吾人詩家

秀博采世上名

自叙如此而起與如此粲粲

元道州前聖畏後生觀乎春陵作歛見俊哲

情復覽賊退篇結也實國楨賈誼昔流慟匡

衡常引經道州夏黎庶詞氣浩縱橫兩章對

秋月一字借華星致君唐虞際純朴憶大庭

何時降璽書用爾為丹青丹青謂圖像示人也獄訟久

衰息豈惟偃甲兵悽惻念誅求薄歛近休明

乃知正人意不苟飛長纓涼飈振南岳之子

寵若驚色沮金印大興含滄溟清

謂元詩有棄官刺船

語我多長卿病日夕思朝廷肺枯渴大甚漂

泊公孫城嗥兒具紙筆隱几臨軒楹作詩申

吟內淡墨字歌傾感彼危苦詞庶幾知者聽

其首尾如此情事甚真○洙曰漢賈誼上疏

云當今事勢可為慟哭者一可為流涕者二

匡衡陳便宜及朝廷有政議傳經以對夢弼

曰兩章即元結春陵行及賊退示官吏作洙

曰莊子注大庭氏古者至德之世也漢宣帝

時二千石有治理効輒以璽書勅勵夢弼曰

近休明謂為治近乎三代休明之時也左傳

楚子觀兵於周疆問鼎之大小輕重王孫滿

上集卷之二 三

對曰德之休明雖小重也其姦回昏亂雖大  
輕也趙曰不苟飛長纓謂元結不苟日在冠  
冕之中也洙曰長卿病謂病渴  
也公孫城謂白帝城即夔州也

○春陵行 并序 元結次山

癸卯歲漫叟授道州刺史道州舊四萬  
餘戶經賊已來不滿四千大半不勝賦  
稅到官未五十日承諸使徵求符牒二  
伯餘封皆曰失其限者罪至貶削於戲  
若悉應其命則州縣破亂刺史欲焉逃

徵歛之  
意追  
呼之慘  
時云此詩  
杜公所不及  
輜  
以

罪若不應命又即獲罪戾必不免也吾  
將守官靜以安人待罪而已此州是春  
陵故地故作春陵行以達下情  
軍國多所須切責在有司有司臨郡縣刑  
法竟欲施供給豈不憂徵歛又可悲州小  
經亂亡遺人實困疲大鄉無十家大族命  
單羸朝餐是草根暮食乃木皮出言氣欲  
絕意速行步遲追噓尚不忍況乃鞭撲之

郵亭傳急符來往跡相追更無寬大恩但有迫促期欲令鬻兒女言發恐亂隨悉使索其家而又無生資聽彼道路言恐傷誰復知去冬山賊來殺奪幾無遺所願見王官撫養以惠慈奈何重驅逐不使存活爲安人天子命符節我所持州縣忽亂亡得罪復是誰逋緩違詔令蒙責固所宜前賢重守分惡以禍福移亦云貴守官不愛能

適時顧惟孱弱者正直當不虧何人采國風吾欲獻此辭

○賊退示官吏 并序 元結次山

癸卯歲西原賊入道州焚掠幾盡而去明年賊又攻永破邵不犯此州邊鄙而退豈力能制敵歟蓋蒙其傷憐而已諸使何爲忍苦徵斂故作詩一篇以示官

王幼  
此道  
不皆  
相時  
出以  
吏

出以吏

上集卷二十一

三

作



二篇皆有  
風雅高古  
杜子之上

事到...  
有...  
惟...  
日...  
退...  
是...  
日...

昔歲逢太平山林二十年泉源在庭戶洞  
壑當門前井稅有常期日晏猶得眠忽然  
遭世變數歲親戎旃今來典斯郡山夷又  
紛然城小賊不屠人貧傷可憐是以陷鄰  
境此州獨見全使臣將王命豈不如賊焉  
今彼徵斂者迫之如火煎誰能絕人命以  
作時世賢思欲委符節引竿自刺船將家  
就魚麥歸老江湖邊

寄狄明府博濟

梁公曾孫我姨弟不見十年官濟濟大賢之  
後竟陵遲浩蕩古今同一體比看伯叔四十  
人有才無命百寮底今者兄弟一百人百狄  
叔幾人卓絕兼周禮在汝更用文章為長兄  
白眉復天啓汝門請從曾翁說曾翁即太后  
當朝多巧計狄公執政在末年濁河中不汚  
清濟國嗣初將付諸武公獨廷諍守丹陛禁

上集卷二十一  
三

中冊決詔房陵前朝長老皆流涕太宗社稷  
 一朝正漢官威儀重昭洗時危始識不世木  
 誰謂茶苦甘如薺汝曹又宜裂土食身使門  
 戶多旌祭胡為飄泊岷漢間干謁王侯頗歷  
 詆況乃山高水有波秋風蕭蕭露泥泥虎之  
 饑下蠟蟲蛟之橫出清泚早歸來黃土汚人  
 眼易眯禮蜀志馬良兄弟五人並有才名鄉里為之諺曰馬氏五常白眉最良左傳天將啓之按武后當朝革唐為周廢中宗為廬陵

王遷于房州欲以武三思為太子仁傑數諫  
 后感悟即日迎中宗復唐社稷希曰裂土即  
 裂地樂毅書裂地而封之趙曰唐制節度使  
 就第賜旌節三品以上門立戟漢書注有衣  
 之戟曰綦洙曰詆訐也漢息夫躬歷詆公  
 卿大臣歐曰眯莫禮切莊子稅糠眯目

寄韓諫議注

今我不樂思岳陽身欲奮飛病在牀美人娟  
 娟隔秋水濯足洞庭望八荒鴻飛冥冥日月  
 白青楓葉赤天雨霜玉京羣帝集北斗或騎  
 麒麟翳鳳凰芙蓉旌旗煙霧樂影動倒景搖

瀟湘星宮之君醉瓊漿羽人稀少不在儗似  
聞昨者赤松子恐是漢代韓張良昔隨劉氏  
定長安帷幄未改神慘傷國家成敗吾豈敢  
色難腥腐餐楓香周南留滯古莫惜南極老  
人應壽昌美人胡為隔秋水焉得置之貢玉

堂師曰地理志岳州巴陵郡在岳之陽故曰岳陽有君山洞庭湖湘江之勝洙曰梁元帝纂要云曰景曰景司馬相如賦置列缺之倒景趙曰楚辭仍羽人於丹丘洙曰漢張良其先韓人也高祖曰運籌帷幄之中決勝千里之外子房功也良願棄人間事從赤松子

遊乃學辟穀導引輕身呂后德其安太子乃強食之曰人生一世間如白駒過隙何至自苦如此乎良不得已強聽而食趙曰神仙傳壺公數試費長房繼令噉溷臭惡非常長房難之洙曰史記太史公留滯周南春秋元命苞云老人星治平則見則主壽昌

寄岑嘉州

外公自注見則主壽昌

不見故人十年餘不道故人無素書願逢顏色  
關塞遠豈意出守江城居外江三峽且相接  
斗酒新詩終自踈謝眺每篇堪諷誦馮唐已  
老聽吹噓泊船秋夜經春草伏枕青楓限

玉除眼前所寄選何物贈子雲安雙鯉魚

宋謝眺字玄暉漢文帝問馮唐曰父老何自

為郎趙曰青楓謂楚地玉除謂京闕也鶴曰夔州雲安郡也洙曰古詩

魏將軍歌

將軍昔著從事衫一語便奇鐵馬馳突重兩銜被

堅執銳略西極崑崙月窟東嶄巖好句君門

羽林萬猛士惡若哮虎子所監五年起家列

霜戟一日過海收風帆平生流輩徒蠢蠢長

安少年氣欲盡魏侯骨聳精爽緊華嶽峰尖

見秋隼星纏寶校金盤隨夜騎天駟超天河

攬槍焚惑不敢動翠蕤雲旂相蕩摩吾為子

起歌都護酒闌插劔肝膽露鈎陳蒼蒼風玄

武萬歲千秋奉明主臨江節士安足數起伏音節

壯麗其偉。注謂子美自稱節士此必不可

者也洙曰被堅執銳見漢書嶄巖參差見相

如上也林賦鄭曰嶄巖仕咸切石高峻貌荆溪吳

謂魏將軍略地至西方之極而謂之東者蓋

窟却在東也洙曰君門羽林禁旂也漢有羽

欽定裝飾也  
章采文也

林軍趙曰隼鷲鳥也時可曰星纏寶校金盤  
兼飾丹腰寶較星纏緩章霞布洙曰天官書  
溪中四星曰天駟攬槍妖星也熒惑火星也  
翠鞋雲旛皆旗也鄭曰攬初銜切槍楚耕切  
旃所交切夢弼曰古樂府有丁都護歌樂錄  
云丁都護歌者彭城內史徐達為魯執所殺  
宋高祖乃使督護丁時收殯之達妻高祖長  
女也呼時至閣下自問斂送之事每問輒歎  
息曰丁都護其聲哀切後人因其聲廣其曲  
焉趙曰鈎陳星名玄武闕名修可曰臨江節  
士史失其名唯古樂府載宋陸厥臨江王節  
士歌曰節士慷慨髮上衝冠  
彎弓掛弱水長劍竦雲端

秋峽

江濤萬古峽肺氣久衰翁不寐防巴虎全生  
狎楚童狎至樵豎且以自全衣裳垂素髮門巷落丹楓  
常怪商山老兼存翊贊功非無能無忠者

日暮

牛羊下來久各已閉柴門風月自清夜江山  
非故園人人能言人人不能言石泉流暗壁  
草露滴秋根頭白燈明裏何須花燼繁

月

上集卷十七

仲

金組  
甲名組  
甲也

三境  
台看  
古佳

四更山吐月殘夜水明樓塵匣元開鏡風簾  
自上鉤兔應疑鶴髮蟾亦戀貂裘斟酌姮娥  
寡天寒柰九秋

曉望

白帝更聲盡陽臺曉色分高峰寒上日疊嶺  
宿霾雲地坼江帆隱天清木葉聞語至不可解則妙耳  
荆扉對麋鹿應共爾為羣

別李祕書始興寺所居

佛經云止觀  
樂觀能離苦  
又云止能修心  
能斷貪愛觀  
能備慧能斷  
無明止如定  
而後能靜觀  
則慮而後得  
也

不見祕書心若失及見祕書失心疾安為動  
主理信然我獨覺子神充實重聞西方止觀  
經老身古寺風冷冷妻兒待米且歸去他日  
杖藜來細聽磊落真率語短而暢亦自本分蕭散有情賢於強知解者

兄弟鶴曰按史是年九月吐蕃寇靈州邠州京師戒嚴

藜杖侵寒露蓬門啓曙煙力稀經樹歇老困  
撥書眠語自稱意秋覺追隨盡來因孝友偏清談

上集卷二十七

三九

吳

見滋味爾輩可忘年趙曰漢彌衡始弱冠孔融年四十為忘年交

過客相尋

窮老真無事江山已定居地幽忘盥櫛客至  
罷琴書挂壁移筐果嗜兒問煮魚時聞繫舟  
櫂及此問吾廬

孟倉曹步趾領酒醬二物滿器見遺

老夫

楚岫通秋屐胡牀面夕畦籍糟分汁滓壅醬

落提攜飯糲添香味朋來有醉泥理生那象

俗方法報山妻趙曰劉伶酒德頌枕麴籍糟

也成而汁滓相將夢弼曰司馬遷傳堯舜糲  
梁之食注音粹張晏曰一斛粟春七斗米為  
糲醉如泥見漢周澤傳師曰  
方法謂造酒醬之方法也

課小豎鉏斫舍北果林枝蔓荒穢淨

訖移牀三首

病枕依茅棟荒鉏淨果林背堂資僻遠在野  
興清深山雉防求敵江猿應獨吟洩雲高不

去隱几亦無心資防應洩雲突兀甚。解不得。

衆壑生寒早長林卷霧齊青蟲懸就日朱果

落封泥亦眼前人所不到薄俗防人面全身學馬蹄

馬蹄亦吟詩坐迴首隨意葛巾低自畫。洙曰左傳子

得大意人心不同如其面焉趙曰莊子馬蹄可

陸此馬之真性以踐霜雪毛可以禦風寒齧草飲水翹足而

籬弱門何向沙虛岬只摧宛轉意曰斜魚更食

客散鳥還來幽趣宛密寒水光難定秋山響易哀

天涯稍曛黑倚杖更徘徊

溪上

峽內淹留客溪邊四五家古菖生近地秋竹

隱踈花塞俗人無井山田飯有沙西江使船

至時復問京華鶴曰若一作苔鄭曰迨創格切迫也

中夜

中夜江山靜危樓望北辰長為萬里客有愧

百年身故國風雲氣高堂戰伐塵胡雛負恩



澤嗟爾太平人

復愁十二首

人煙生處僻，虎跡過新蹄。野鶻翻窺草，村船

逆上溪。

釣艇收縵盡，昏鴉接翅稀。月生初學扇，雲細

不成衣。

萬國尚防寇，故園今若何。昔歸相識少，今又

早巳戰場多。

滄溟選

身覺省郎在家須農事，歸年深荒草徑老恐

失柴扉。

金絲鏤箭鏃，阜尾掣旗竿。一自風塵起，猶嗟

行路難。

洙曰：金絲箭，阜尾旗，皆胡服也。

正觀銅牙弩，開元錦獸張。花門小箭好，此物

棄沙場。

用夷變夏，輕棄前輩。趙曰：書若虞機張則所謂錦獸張者，亦弩之物耳。

鶴曰：漢書申屠嘉以材官蹶張，曰：材官之士多力，能脚踏強弩張之，故曰蹶張。師曰：花

門回紇也。

胡虜何曾盛干戈不肯休閭閻聽小子談笑

覓封侯鶴曰按唐史至德年間府庫無蓄積朝廷專以官爵賞功諸將出師皆給

空名告身自開府特進列卿大將軍以至中

郎郎將聽臨事注名及清渠之敗復以官爵

收散卒應募入軍者一切衣金紫至有

朝士鐘僕衣金紫稱大官而執職役者

今日翔麟馬先宜駕鼓車無勞問河北諸將

角榮華漢文帝以千里馬駕鼓車

任轉江淮粟休添苑囿兵由來貔虎士不滿

鳳凰城趙曰鳳凰城謂京兆也

江上亦秋色火雲終不移巫山猶錦樹南國

且黃鸝

每恨陶彭澤無錢對菊花如今九日至自覺

酒須賒洙曰南史陶潛九日無酒出宅邊叢菊中坐久之逢刺史王弘送酒至即

醉而歸

病減詩仍拙吟多意有餘莫看江揔老猶被

賞時魚洙曰江揔字揔持在陳授尚書令陳破入隋後復歸老江南師曰子美檢

校工部朱紱銀魚故

託江揔以自况也

搖落

搖落巫山暮寒江東北流煙塵多戰鼓風浪  
 少行舟鵝費羲之墨貂餘季子裘長懷報明  
 主臥病復高秋朱曰晉王羲之愛鵝山陰道  
 士養好鵝因為寫道德經籠  
鵝而歸趙曰戰國策蘇秦字  
 季子游說秦王黑貂之裘敝

九日五首

重陽獨酌杯中酒抱病起登江上臺竹葉於  
 人既無分菊花從此不須開殊方日落玄猿

哭舊國霜前白鴈來弟妹蕭條各何往干戈

衰謝兩相催起一作豈朱曰張景陽七命乃  
 有荆南烏程豫北竹葉竹葉酒

名也鮑曰筆談載北方有白鴈似鴈而青  
 小秋深乃來來則霜降北人謂之霜信

舊日重陽日傳杯不放杯即今蓬鬢改但媿

菊花開北闕心長戀西江首獨迴茱萸賜朝

士難得一枝來朱曰唐志九日  
 賜宴及茱萸

舊與蘇司業兼隨鄭廣文采花香泛泛坐客

醉紛紛野樹歌還倚秋砧醒却聞歡娛兩冥

實西北有孤雲

故里樊川菊登高素滻源他時一笑後今日

幾人存巫峽蟠江路終南對國門繫舟身萬

里伏枕淚雙痕為客裁烏帽從兒具綠樽佳

辰對羣盜愁絕更堪論鶴曰樊川以漢將軍樊會食邑於此得名

卽杜陵之鄉滻水為長安大川滻所簡切夢

兩曰終南長安之南山也洙曰沈休文詩憂

風急天高猿嘯哀渚清沙白鳥飛迴無邊落

木蕭蕭下不盡長江滾滾來雄自萬里悲秋

常作客百年多病獨登臺艱難苦恨繁霜鬢

潦倒新停濁酒杯結復鄭重

季秋江村

喬木村墟古疎籬野蔓懸素琴將暇日白首

望霜天登俎黃甘重支牀錦石圓遠游雖寂

寞難見此山川

季秋蘇五弟纓江樓夜宴崔十三評

蘇詩卷十一

三

齊

事韋少府姪三首

峽險江驚急樓高月迥明一時今夕會萬里

故鄉情星落黃姑渚秋辭白帝城老人因酒

病堅坐看君傾夢弼曰十道志忠州有黃姑

飛燕黃姑織女時相見黃姑即河鼓也乃俗聲之轉耳

明月生長好浮雲薄漸遮悠悠照邊塞悄悄

憶京華清動杯中物高隨海上查不眠瞻日

兔百過落烏紗深曰陶潛詩天運苟如此且進杯中物海上查注見前

對月那無酒登樓況有江扶疎曲折無聽歌驚

白鬢笑舞拓秋窻樽蟻添相續沙鷗並一雙

盡憐君醉倒更覺片心降洙曰釋名酒有浮蟻在上泛泛然

暮歸

霜黃碧梧白鶴棲城上擊柝復烏啼客子入

門月皎皎誰家搗練風淒淒古樂府少及南渡桂

水闕舟楫北歸秦川多鼓鞞年過半百不稱

意明日看雲還杖藜

此亦通

送孟十二倉曹赴東京選

鶴曰唐志太宗時以

歲旱穀貴通入選者集于洛州謂之東選

君行別老親此去苦家貧藻鏡留連客

藻鏡亦拙

江山憔悴人

憔悴字活道塗之歎流滯之感也

秋風楚竹冷

夜雪鞏梅春朝夕高堂念應宜綵服新

夢符曰晉

書制曰藻鏡銓衡尹曰唐舊史許子儒居選部不以藻鏡為意希曰夔屬楚地治州有鞏縣

憑孟倉曹將書覓土婁舊莊

鶴曰土婁河南

地名也

平居喪亂後不到洛陽岑為歷雲山問無辭

荆棘深北風黃葉下南浦白頭吟十載江湖

客茫茫遲暮心

耳聾

生年鵝冠子

謂世方尚武

歎世鹿皮翁眼復幾時

暗耳從前月

意甚怨

猿鳴秋淚缺雀噪晚愁

空黃落驚山樹

不聞風聲惟見

兒問朔風落葉師曰鵝

男雉也其鬪無已一死乃亡故趙武靈王以  
為冠以表武士夢弼曰後漢黃服志鷓冠環  
纓無如雙鷓尾在左右五官虎賁羽林皆  
冠之黃曰楚人有隱居山中以鷓為冠因號  
鷓冠子出表淑真隱傳朱曰劉向列仙傳鹿  
皮翁舊川人居本山上百餘年下賣藥於市

小園

由來巫峽水本自楚人家客病留因藥春深  
買為花倒句矯異秋庭風落果灑岫雨頽沙問俗  
營寒事將詩待物華則岑為翠雲山問無  
夜

絕岫風威動寒房燭影微嶺猿霜外宿江鳥  
夜深飛獨坐親雄劍哀歌歎短衣煙塵繞閭  
闔白首壯心違夢弼曰漢禮樂志注閭闔天門也

奉齋薛十二丈判官見贈

忽忽峽中睡不知其何從來何所悲風方一  
醒西來有好鳥為我下青冥羽毛淨白雪慘  
澹飛雲江既蒙主人顧舉翮唳孤亭連用六句引譬  
而不持以比佳士及此慰揚舲清文動哀王信

見道發新硯欲學鴟夷子待勒燕山銘誰重

斬郅劔致君君未聽志在麒麟閣無心雲母

屏卓氏近新寡豪家朱門扃相如才調逸銀

漢會雙星客來洗粉黛日暮拾流螢此其用孟光車

亂事以美新昏也隱約之甚。其人必新娶不是無膏火勸郎勤

六經老夫自汲澗野水日泠泠我歎黑頭白

君看銀印青銀印青以銀青期之也臥病識山鬼為農

知地形誰矜坐錦帳苦厭食魚腥東南兩岍

岍橫水注滄溟碧色忽惆悵風雷搜百靈空

中右白虎赤節引娉婷自云帝里女巽雨鳳

凰翎襄王薄行跡莫學冷如丁千秋一拭淚

夢覺有微馨偶叙峽中忽及神女期前卓人

生相感動金石兩青熒文人但安坐休辯渭

與涇龍蛇尚格鬪灑血暗郊堦吾聞聰明主

治國用輕刑銷兵鑄農器今古歲方寧文王

日儉德俊又始盈庭榮華貴少壯豈食楚江



漢師曰漢武故事上忽見一青鳥從西方集  
有仙姿故以况之高曰揚舲行舟也洙曰莊  
子屠牛坦刀刃若新發於礪范蠡既破吳乃  
浮江湖變名姓為鳴夷子皮後漢竇憲擊匈  
奴大破之登燕然山刻石勒功紀漢威德班  
固作銘夢齋曰漢元帝時西域都護甘延壽  
陳湯斬郅支單于於康居洙曰漢鄭弘為太  
尉時舉第五倫為司空班次在下每正朔朝  
見司馬相如初遊臨邛臨邛之富人卓氏有  
文君新寡相如以琴心挑之文君夜奔相  
如漢百官志郎官給錦帳帟曰本作空中石  
白虎蓋本石作右洙曰本一作帝季女文選  
我天帝之季女襄王夢神女遼東華表鶴言  
下今感泣並見前宋曰家語楚昭王渡江得

一物大如斗圓而赤使使聘魯問於孔子  
孔子曰此所謂萍實者可剖而食之

送李八秘書赴杜相公幕鶴曰按是

南節度杜鴻漸  
自成都入朝

青簾白舫益州來巫峽秋濤天地迴石出倒

聽楓葉下櫂搖背指菊花開兩句皆目擊自

極舟行之妙貪趨相府今晨發恐失佳期後命催

南極一星朝北斗南極朝北斗五雲多處是

三台趙曰南極一星謂李秘書北

恨

上集卷之二

已

贈李八祕書別三十韻

往時中補右扈蹕上元初反氣陵行在妖星  
下直廬六龍瞻漢闕萬騎略姚墟玄朔回天  
步神都憶帝車一戎纔汗馬戎不百姓免  
為魚通籍蟠螭印差肩列鳳輿從萬騎略姚  
此然非為通籍地也詩之少識謂此事殊迎代邸喜異賞朱虛  
寇盜方歸順乾坤欲晏如不才同補袞奉詔  
許牽裾鴛鴦切雲閣麒麟滯玉除文園多病

抗桂也

後中散舊交踈飄泊哀相見平生意有餘  
煙巫峽遠臺榭楚宮虛觸目非論故新文尚  
起予清秋凋碧柳別浦落紅蕖消息多旗幟  
經過歎里閭戰連唇齒國軍急羽毛書幕府  
籌頻問山家藥正鋤公自注祕書北台星入  
朝謁使節有吹嘘西蜀災長弭南翁憤始據  
對歎坑士卒乾沒費倉儲勢籍兵須用功無  
禮忽諸此無功而見禮者如御鞍金驪裏宮硯

此忽諸者驚也

浦

玉蟾蜍拜舞銀鈎落恩波錦帕舒此行非不

濟良友昔相於去掉依顏色沿流想疾徐沉

綿疲井曰倚薄似樵漁乞米煩佳客鈔詩聽

小胥杜陵斜晚照瀟水帶寒淤莫話清溪髮

蕭蕭白映梳夢弼曰上元初止謂改元之初

墟玄朔回天步謂肅宗即位靈武神都憶帝

車謂玄宗幸蜀未還洙曰漢書丞相陳平太

尉周勃朱虛侯劉章既誅諸呂迎代王於代

邸而立之是為文帝文帝即位益封朱虛侯

二千石黃金一斤夢弼曰朱虛侯乃高祖

齊王之子李泌書亦宗室也故以為此洙曰

魏辛毗諫文帝帝不荅起入內毗隨而引其

裾漢司馬相如有消渴疾後為孝文園令晉

嵇康拜中散大夫嘗與阮籍輩為竹林之遊

左傳唇亡齒寒魏武奏事曰若有急則插羽

於檄謂之羽檄漢張湯傳乾沒注云得利為

乾失利為沒王蟾蜍貯甌水之器也鄭曰乞

去既切鈔楚交切洙曰

杜陵瀟水公之故里也

奉送韋中丞之晉赴湖南鶴曰韋之晉為衡州

史刺

寵渥徵黃漸權宜借寇頻湖南安背水昔水

山峽內憶行春王室仍多故蒼生倚大臣還如依

將徐孺榻處處待高人

宋曰漢黃霸為潁川太守治為天下第一

微守京兆尹寇恂從光武南征至潁川盜賊

悉降百姓遮道曰願從陛下復借寇君一

春(鶴曰)東方朔外傳郡守四馬駕車一馬行

聞惠子過東溪

惠子白驢瘦歸溪唯病身皇天無老眼空谷

滯斯人崖蜜松花熟山杯竹葉春柴門了生

事黃綺未稱臣定功曰本草白蜜一名崖蜜

蓋蜂作蜜於崖石間今云崖

蜜松花熟又謂採松花而成蜜也(賓退錄)孫

覲仲益與曾造端伯書論詩云東坡橄欖詩

已輸崖蜜十分甜惠洪以崖蜜為櫻桃又有

俗子假東坡名注杜詩云金城土酥淨如練

為蘆葍根者東坡地黃詩云崖蜜助甘冷山

薑發芳辛制地黃法當用薑與蜜而用櫻桃

可乎黃師是守酒時以酥酒遺東坡坡荅詩

云關右土酥黃似酒揚州雲液却如酥謂土

酥為蘆葍根可乎

大覺高僧蘭若

公自注和尚去冬往湖南

巫山不見廬山遠松林蘭若秋風晚一老猶

鳴日暮鍾諸僧尚乞齋時飯香爐峰色隱晴

湖種杏僊家近白榆飛錫去年啼邑子獻花

何日許門徒趙曰廬山惠遠師也脩可曰蘭若者梵言阿蘭若唐言無淨因

用以名寺若爾者切夢弼曰乞去既切洙曰廬山記東南有香爐峰神仙傳董奉居廬山

治病重者種杏五株輕者一株號董仙杏林趙曰近白榆言其所居之高近平星辰也古

詩夫上何所有歷歷種白榆趙曰飛錫謂和尚去冬往湖南見自注邑子謂同邑之子也

尚曰漢尹翁歸傳于定國欲屬託邑子兩人夢弼曰門徒謂從遊諸弟子也未知和尚歸

在何日諸弟子當修供養以待之也

○補遺

奉酬薛判官見贈諸本誰重斬邪劔一作斬

劔事非所當用是斬邪劔乃用朱雲乞斬張禹事今按斬邪劔亦非豈邪字乃到字之訛

邪漢元帝時西域都護陳湯斬到支單于於康居當作斬到劔與上句待勒燕山銘下句

志在麒麟閣意相屬後云龍吐蕃入寇皆於暗郊堀黃鶴叔似注是年秋吐蕃入寇皆於

集中已定作斬到劔仍借蔡氏為注不復出增注也

百花潭水即滄浪唐節度使崔寧妻異國夫

童有僧過其家遍身瘡穢夫人奉之甚謹僧持弊衣謂曰為我濯此夫人就溪浣之蓮花

隨出潭中及貴俗呼百花潭見山谷外集注

和裴迪蜀州東亭逢早梅相憶

葛常之韻語

東閣官梅動詩興還如何遜在揚州按遜傳

無揚州事而遜集亦無揚州梅花詩但有早

梅詩云小園標物序驚時最是梅銜霜當路

發映雪疑寒開枝橫却月觀花繞凌風臺朝

灑長門泣夕驅臨却杯應知早飄落故逐上

春來杜公前詩乃逢早梅而作故用何遜事

又意却月凌風皆揚州臺觀名爾近時有妄

人假東坡名作老杜事實一編無一事有據

至謂遜作揚州法曹廨舍有梅

一株吟詠其下豈不誤學者

陪李司馬早江上觀造竹橋

蔡興宗正異云

事驅石何時到海東題云觀造竹橋即日成

句中合觀字謂聚觀橋成之速而笑驅石之

誕諸本皆訛作歡非也

王十五前閣會

藝苑雌黃云江朝宗言杜詩

此物煖為羹擢極美足為

饌中之俊詩見二十六卷

贈書復齋漫錄云對揚坑士卒初不

費府庫之用抗五官切挫也方悟

之訛蓋李方入對宜論蜀中兵老

集千家註杜工部詩集卷之十七

集千家註杜工部詩集卷之十八

自灤西荆扉且移居東屯茅屋四首

大曆二年夔州作鶴曰是年秋公自灤西又移居東屯又按史九月吐蕃

入寇京師戒嚴

白鹽危嶠北赤甲古城東平地一川穩高山

南面同煙霜凄野日稭稻熟天風人事傷蓬

轉吾將守桂叢

朱曰淮南王招隱士賦桂樹叢生芳山之幽

東屯復灤西一種住青溪來往兼茅屋淹留

卷之十八

云

為稻畦市喧宜近利公自註西居近市易巽為近利市三倍左氏傳

晏子對林僻此無蹊若訪衰翁語須令賸客

景公語迷實証切陸機詩遊賞愧賸客

道北馮都使高齋見一川子能渠細石吾亦

沼清泉枕帶還相似柴荆即有焉此焉字不知是他無

後押是他斫畬應費日解纜不知年夢符曰畬音餘

怪後押燒榛種田也劉夢得竹枝歌云長刀短笠去燒畬

牢落西江外參差北戶間久遊巴子國卧病

楚人山幽獨移佳境清深隔遠關寒空見鴛

鷺迴首想朝班

簡吳郎司法

鶴曰公時移居東屯以讓西草堂備吳司忠居

有客乘舸自忠州遣騎安置灤西頭古堂本

買藉踈豁借汝遷居停宴遊雲石熒熒高葉

曉風江颯颯亂帆秋却為姻婭過逢地許坐

曾軒數散愁



後話

又呈吳郎

堂前撲棗任西鄰，無食無兒一婦人。不為困窮寧有此，祇緣恐懼轉須親。即防遠客雖多事，使插疎籬却甚真。已訴徵求貧到骨，正思戎馬淚盈巾。

此兩簡語甚媿箋解詩皆若此實誤後人

題柏大兄弟山居屋壁二首

鶴曰當是柏真

節之子姪

叔父朱門貴，郎君玉樹高山居。精典籍，文雅

涉風騷，江漢終吾老。雲林得爾曹，哀絃繞白

雪，未與俗人操。

希曰古稱貴人之子及嘗事其父者曰郎君尹曰禮記絲

聲哀夢符曰宋玉對楚襄王曰客有歌郢中者為陽春白雪屬而和者數十人而已

野屋流寒水，山籬帶白雲。靜應連虎穴，喧已

去人羣。筆架靈窓雨，書籤映隙暉。蕭蕭千里

馬，箇箇五花文。

喻其兄弟 潭山人隱居 通首合韻

去爾外，藻身有星。北山移文，誰勒銘。徵君已

啓

聲聲如哀  
故曰哀聲

去獨松菊哀聲無光留石庭予見亂離不得  
已子知出處必須經高車駟馬帶傾覆居此隱

在太路傍故云  
山移文夢彌曰漢魏以來隱士名之曰徵君  
欲過北山孔稚珪假山神作文以却之曰比

栢學士茅屋

梁天監中張懷為學士不供職御史劾之懷曰碧山不負吾乃焚章長請而去

碧山學士焚銀魚白馬却走身岩居古人已  
三冬足年少今開萬卷餘晴雲滿戶團傾  
不浮階溜決渠富貴必從勤苦得男兒

須讀五車書

語莊子惠施多方其書五車

沫曰東方朔傳三冬文史足用家語孔子遇程子於途傾蓋而

東屯月夜

北南好互目

抱疾漂萍老防邊舊穀屯春農親異俗歲月  
在衡門青女霜楓重黃牛峽水喧泥留虎闔  
跡月挂客愁村喬木澄稀影輕雲倚細根數  
驚聞雀噪暫睡想猿蹲日轉東方白風來北  
斗昏天寒不成寐無夢寄歸魂

此批  
得○  
源○  
看以  
等出  
細

王云全首  
佳勝

東屯北嶮

夢弼曰嶮衣  
檢切與嶮同

可多

盜賊浮生困誅求異俗貧空林唯見鳥落日  
未逢人上句只是此意愈覺蕭索步壑風吹面看松露滴  
身遠山回白首戰地有黃塵

夜二首

白夜月休弦燈花半委眠號山無定鹿落樹  
有驚蟬暫憶江東鱸兼懷雪下船蠻歌犯星  
夜重覺在天邊

城郭悲笳暮村墟過翼稀甲兵年數久賦歛

夜深歸此歲晏輸井稅江村人夜歸不惟少省情事不同暗樹依巖

落明河繞塞微斗斜人更望月細鵲休飛

茅堂檢校收稻二首

香稻三秋末平田百頃間喜無多屋宇幸不

礙雲山御被侵寒氣嘗新破旅顏紅鮮終日

有玉粒未吾慳鄭曰被古洽切復衣也

稻米炊能白秋葵煮復新誰云滑易飽老藉

軟俱勻種幸房州熟苗同伊闕春無勞映渠

益自有色如銀鄭曰唐志房州與夔同屬山南道伊闕河南府縣名黃曰

魏文帝有車渠益賦又梁陸倕益銘曰珍逾渠益

秋野五首

秋野日疏蕪寒江動碧虛繫舟蠻井絡卜宅

楚村墟棗熟從人打葵荒欲自鋤盤飧老夫

食分減及溪魚小事誰不能道能道者少○宋曰左太冲蜀都賦岷山之

精上為井絡注岷山言岷山之地上為東井維終岷山之精上為東井是絡之維

易識浮生理難教一物違水深魚極樂林茂

鳥知歸吾老甘貧病榮華有是非秋風吹几

杖不厭北山薇此為之極漸近自然

禮樂攻吾短謝厚典然山林引興長掉頭紗帽

側曝背竹書光有典有則風落收松子天寒

割蜜房幽事楚儉稀踈小紅翠駐屐近微香

清遠閑麗少見首尾如此可遠岸秋沙白連山晚照紅潛鱗輸駭浪歸翼

愛○趙曰竹書謂竹簡書也

會高風輸不砧響家家發樵聲箇箇同飛霜

任青女賜被隔南宮宋曰後漢樂出直南宮家貧無被帝聞而嘉之

詔大官賜尚書郎已下食并給帷被

身許麒麟畫重年衰鴛鴦羣大江秋易盛空

峽夜多聞索意非不小苦而氣逕隱千重石

帆留一片雲兒童解蠻語不必作參軍宋曰

隆為南蠻參軍上巳日作詩曰媿偶濯清池桓温問何物荅曰名魚為媿偶温曰何為作

得蠻語隆曰千里投公始

傷秋

林僻來人少山長去鳥微高秋收盡扇久客

掩柴扉懶慢頭時榆艱難帶減園將軍思汗

馬天子尚戎衣白蔣風颼脆殷檉曉夜稀何

年減豺虎似有故園歸宋曰白蔣菱草也殷檉柳也鄭曰殷鳥

開切赤黑色檉丑成切

雨

山雨不作泥江雲薄為霧晴飛半嶺鶴風亂

平沙樹明滅洲景微隱見巖姿露拘悶出門  
遊曠絕經日趣消中日伏枕卧久塵及履豈  
無平肩輿莫辨望鄉路兵戈浩未息蛇虺反  
相顧悠悠邊月破鬱鬱流年度針灸阻朋曹  
糠乾對童孺一命須屈色新知漸成故窮荒  
益自卑飄泊欲誰訴疍羸愁應接俄頃恐違  
迕浮俗何萬端幽人有高步龐公竟獨往尚  
子終罕遇宿留洞庭秋天寒瀟湘素杖策可

入舟送此齒髮暮夢彌曰消中謂渴疾也  
命小官也洙曰後漢龐德公尚子平俱見逸  
民傳趙曰宿留音秀溜出漢書謂有所須待  
也

秋清

高秋蘇肺氣白髮自能梳藥餌憎加減門庭  
悶掃除杖藜還客拜愛竹遣兒書十月江平  
穩輕舟進所如

瞿唐兩岸

信

王云六稍  
近清致

三峽傳何處雙崖壯此門入天猶石色穿水

忽雲根雲根自佳用得縹緲如畫猱獲鬚髯古蛟龍窟宅

尊羲和冬馭近愁畏日車翻謂時事。夢弼曰猱乃高切獲

厥縛切爾雅猱善援獲善顧趙曰淮南子注日乘車駕以六龍羲和為馭

暝

日下四山陰山庭嵐氣侵牛羊歸徑險鳥雀

聚枝深正枕當星劔收書動玉琴半扉開燭

影欲掩見清砧珠曰星劔劔上有星文也玉琴以玉為琴徽也

雲

龍以瞿唐會江依白帝深終年常起峽每夜

必通林收穫辭霜渚分明在夕岑高齋非一

處秀氣豁煩襟

晨雨

江上雨後

小雨晨光內初來葉上聞霧交纒灑地風折

旋隨雲暫起柴荆色輕霑鳥獸羣麝香山一

半亭午未全分夢弼曰夔州圖經麝香山在州東南一百二十里山出麝

香故以  
為名

天池 鶴曰天池  
在夔州

天池馬不到，嵐壁鳥纔通。  
百頃青雲杪，曾波白石中。  
鬱紆騰秀氣，蕭瑟浸寒空。  
直對巫山峽，兼疑夏禹功。  
魚龍開闢有，菱芡古今聞。  
道奔雷黑，初看浴日紅。  
飄零神女雨，斷續楚王風。  
欲問支機石，如臨獻寶宮。  
九秋驚鴈序，萬里狎漁翁。  
更是無人處，誅茅任薄躬。  
宋曰荆楚

歲時記載張騫乘槎至天河得織女搗機石  
穆天子傳天子西征至陽紆山河伯馮夷之  
所居天子沉璧禮焉何伯乃與  
天子披圖視典以觀天下寶器

即事

天畔羣山孤草亭，江中風浪雨冥冥。  
一雙白魚不受釣，三寸黃甘猶自青。  
多病馬卿無日起，窮途阮籍幾時醒。  
未聞細柳散金甲，腸斷秦州流濁涇。  
宋曰漢書文帝時匈奴大入邊  
周亞夫為將軍軍細柳注細柳  
在長安昆

明池南

上集卷十八



獨坐二首

竟日雨冥冥雙崖洗更青水花寒落岸山鳥

暮過庭煖老須燕玉充饑憶楚萍避俗胡笳在

樓上哀怨不堪聽希曰雙崖謂瞿唐兩崖也趙曰古詩云燕趙多佳人

美者顏如玉待燕玉而煖則孟子所謂七十非人不暖也楚注見前卷

白狗斜臨北黃牛更在東峽雲常照夜江日

會兼風曬藥安垂老五字有味應門試小童開趣有商

畧亦知行不逮苦恨耳多聾深曰白狗黃

御子初

雨四首

起語間微雨不滑道斷雲踈復行紫崖奔處黑白鳥

去邊輕清道盡秋日新霑影寒江舊落聲柴扉

臨野確半濕搗香秈

江雨舊無時天晴忽散絲暮秋霑物冷今日

過雲遲上馬迴休出看鷗坐不辭高軒當灑

灑潤色靜書幃

物色歲將晏天隅人未歸朔風鳴淅淅寒雨

御子初

上集卷六

七

家

下霏霏多病久加飯衰容新授衣時危覺凋  
喪故舊短書稀

楚雨石苔滋京華消息遲山寒青兕叫江晚

白鷗飢神女花鈿落鮫人織杼悲繁憂不自

整終日灑如絲精意○洙曰神女鮫人注見前

反照杜白好之

反照開巫峽寒空半有無已低魚復暗不盡  
白鹽孤荻岸如秋水松門似畫圖牛羊識童

僕既夕應傳呼希曰魚復浦白鹽山也洙曰松門亦地名

向夕

畎畝孤城外江村亂水中深山催短景喬木

易高風境意圓靜鶴下雲汀近雞栖草屋同琴書

散明燭長夜始堪終

大曆二年九月三十日

為客無時了悲秋向夕終瘴餘夔子國霜薄

楚王宮草敵虛嵐翠花禁冷藥紅年年小搖

落不與故園同

十月一日 大曆二年冬夔州鶴曰按是年秋吐蕃入寇京師戒

嚴

有瘴非全歇為冬亦不難夜郎溪日暖白帝

峽風寒蒸裹如千室蔗糖幸一枰茲辰南國

重舊俗自相歡洙曰夜郎西南夷也健為有

物也梓與盤同

戲作俳諧體遣悶二首

異俗吁可怪斯人難並居家家養烏鬼去聲

最怪决無用養字代供字之理且頓頓食黃

烏蠻鬼稱烏鬼亦可乎鷓鴣自是漸熟漸厭

魚舊識難為態新知已暗疎未能遽舍其形

容世態深得心髓識治生且耕鑿只有不關

事之餘倍覺語味渠謂此為鳥鬼以繩繫其頸使之捕魚得

魚則倒提出之若溪胡仔曰余觀諸公詩話

烏鬼之說有四曰鷓鴣者見沈存中筆談其曰豬者

見漫叟詩話云川人每呼豬則作烏鬼聲故

引元微之江陵詩云病賽烏稱鬼巫占瓦代

號豬為鳥鬼其曰鷓鴣者見沈存中筆談其曰豬者

引元微之江陵詩云病賽烏稱鬼巫占瓦代

號豬為鳥鬼其曰鷓鴣者見沈存中筆談其曰豬者

引元微之江陵詩云病賽烏稱鬼巫占瓦代

龜則養字讀為供養之養其曰烏蠻鬼者見  
冷齋夜話云川峽路民多供事烏蠻鬼以臨  
江故頓頓食黃魚耳俗人不解便作養畜字  
讀余嘗細考其說沈以為鷓鴣者是也鮑曰  
爾雅注鱸魚中黃而大者長  
二三丈江東人呼為黃魚

西歷青羌坂南留白帝城於菟侵客恨拒妝

作人情似蒸累如千室尚有少意謂送者縱橫

瓦卜傳神語畚田費火聲是非何處定高枕

笑浮生公自注頃歲自秦涉隴從同谷縣出

於菟江徑少峽過青羌坂洙曰左傳楚人謂虎

於菟蒼舒曰宋玉招菟拒妝蜜餠有張鎰注

云拒妝以蜜和米麪煎作之拒奇舉切妝音

汝夢符曰元微之詩病賽烏稱鬼巫占瓦代

龜注云南人染病競賽烏鬼楚巫列肆悉賣

瓦上又神龍中西京壽安縣墨石山神祠頗

靈前有兩瓦子過客投之於上休咎仰為吉

覆為凶洙曰聲一作耕史記火耕水耨畬田

前注見

從驛次草堂復至東屯二首鶴曰按是年秋

公自東屯又歸瀼西此復至東屯蓋冬初也

峽裏歸田客江邊借馬騎非尋戴安道似向

習家池山險風煙合天寒橘柚垂築場看斂

積一學楚人為

短景難高臥衰年強此身山家蒸栗暖野飯  
射麋新世路知交薄門庭畏客頻牧童斯在  
眼田父實為鄰

暫往白帝復還東屯

復作歸田去猶殘穫稻功築場憐穴蟻拾穗  
許村童落杵光輝白除芒子粒紅加食可扶  
老倉庾慰飄蓬

刈稻了詠懷

光景如昨日

雅從容典

稻穫空雲水川平對石門寒風踈草木旭日  
散雞豚野哭初聞戰樵歌稍出村無家問消  
息作客信乾坤初聞其戰後見野哭而已五  
字悲甚稍字尤蕭索可憐結  
意沉著非託  
之悠悠者

柳司馬至

有客歸三峽相過問兩京函關猶自將渭水  
更屯兵設備邯鄲道和親邏沙城幽燕惟鳥

上集卷之二

三

仲

去商洛少人行衰謝身何補蕭條病轉嬰霜

天到宮闕此謂霜天寒戀主寸心明唐志惠

州有邯鄲縣屬河北漢書北走邯鄲道脩可

曰羅逆吐蕃都城名也按姑蘇及蜀本社詩

從舊史為正鄭曰邏功佐切涉四箇切

自平宮中呂大一收珠南海千餘日近供生

犀翡翠稀復恐征戍干戈密蠻溪豪族小動

搖世封刺史非時朝蓬萊殿裏諸主將才如

伏波不得驕東坡志林杜子美詩云自平宮

至以為唐時有自平宮偶讀玄宗實錄有宮

中呂夫一叛於嶺南杜詩蓋云自平宮中片

大一一故下文有南海收珠之句見書不廣而

以意改文字鮮不為人所笑也鶴曰按舊史

廣德元年冬宦官廣州市舶使呂大一逐刺

史張沐而反又按唐志嶺南道厥貢金銀孔

雀犀象珠日時溪洞蠻酋歸順者皆

世授刺史師曰漢馮援為伏波將軍

久雨期王將軍不至

天雨蕭蕭滯茅屋空山無以慰幽獨銳頭將

軍來何遲令我心中苦不足數看黃霧亂玄

結甚寂然  
通無着落

雲時聽嚴風折喬木泉源泠泠雜猿狖泥濘  
漠漠飢鴻鵠歲暮窮陰耿未已人生會面難  
再得憶爾腰下鐵絲箭射殺林中雪色鹿前  
者坐皮因問毛知子歷險人馬勞異獸如飛  
星宿落應弦不礙蒼山高安得突騎只五千  
峯然眉骨皆爾曹走平亂世相催促一豁明  
主正鬱陶憶昔范增碎玉斗來使吳兵著白  
袍昏昏閭闔閉氛祲十月荆南雷怒號

漢高

初見項羽於鴻門間行趨灞上留張  
景令東吳兵盡著白袍自為  
營陣趙曰閭闔吳門名也

虎牙行公自注虎牙灘名也蕭銑偕  
江陵日屯兵于此後常為屯

地戎之

秋風歛吸吹南國天地慘慘無顏色洞庭揚  
波江漢迴虎牙鉞衽皆傾側巫峽陰岑朔漠  
氣峯巒窅窅溪谷黑杜鵑不來猿狖寒山鬼  
幽憂雪霜逼楚老長嗟憶炎瘴三尺角弓兩

王云不見  
其佳

斛力謂秋風筋勁也壁立石城橫塞起金錯旌竿滿

雲直漁陽突騎獵青丘犬戎鎖甲聞丹極八

荒十年防盜賊征戍誅求寡妻哭遠客中霄

淚霑臆沫曰銅柱灘名在涪陵青丘內地屬洛陽鶴曰聞字一作圍入荒十年防

盜賊上疑有脫句

寫懷二首

勞生共乾坤何處異風俗冉冉自趨競行行

見羈束無貴賤不悲無富貧亦足萬古一骸

王云二首絕妙難以逐句贊也

命甘留滯忘情任榮辱朝班及暮齒日給還

脫粟編蓬石城東米藥山北谷用心霜雪間

不必條蔓綠非關故安排曾是順幽獨達士

如弦直小人似鈎曲曲直吾不知負暄候樵

牧寫得甚恨○趙曰朝班公自叙嘗為朝官也鶴曰按虎牙行云壁立石城橫塞起觀

舞劍器行云翟唐石城草蕭瑟則石城乃夔

州地名也沫曰謝靈運詩居常以待終處順

故安排後漢童謠云直如

弦死道邊曲如鈎封公侯



不律在

真倒  
玩  
力  
此  
五  
滿  
字  
致

不律

木集卷一

六

夜深坐南軒，明月照我膝。驚風翻河漢，梁棟已出日。羣生各一宿，飛動自儔匹。吾亦驅其兒，營營為私實。天寒行旅稀，歲暮日月疾。榮名忽中人，世亂如蟣蟲。古者三皇前，滿腹志願畢。胡為有結繩，陷此膠與漆。禍首燧人氏，厲階董狐筆。君看燈燭張，轉使飛蛾密。放神八極外，俛仰俱蕭瑟。終契如往還，得匪合仙術。  
殊曰宋玉九辯薄寒之中人中竹仲切夢彌曰燧人氏始鑽木取火炮生為熟董狐

之良史也書法不隱殊曰燧人火化而舜之心生董狐直筆而是非之端起故以為  
偶首厲階也終契如往還一作終然契如真

觀公孫大娘弟子舞劍器行 并序

大曆二年十月十九日夔州別駕元特宅見臨穎李十二娘舞劍器壯其蔚跂問其所師曰余公孫大娘弟子也開元三載余尚童稚記於郾城觀公孫氏舞劍器渾脫瀏漓頓挫獨出冠時自高頭

上集卷一

七

宜春梨園二伎坊內人，洎外供奉曉是  
 舞者，聖文神武皇帝初，公孫一人而已。  
 玉貌繡衣，况余白首。今茲弟子，亦匪盛  
 顏。既辨其由來，知波瀾莫二。撫事慷慨  
 聊為劒器行。昔者吳人張旭，善草書書  
 帖，數常於鄴縣見公孫大娘舞西河劒  
 器。自此草書長進，豪蕩感激，即公孫可  
 知矣。子美以詩為散語，故意多頓，促此  
 序引張顛草書，隱映頗達情態，非

公不聞  
此妙

昔有佳人公孫氏，一舞劒器動四方。觀者如  
 山色，沮喪天地為之乂。低昂燿如羿射九日  
 落，矯如羣帝駿龍翔。來如雷霆收震怒，罷如  
 江海凝清光。名狀得意。收字謂其猶隱隱  
 有聲也。但舞一劒若謂其如雷  
 如霆則絳脣珠袖兩寂寞。晚有弟子傳芬芳  
 非矣。臨穎美人在白帝，妙舞此曲神揚揚。與余問  
 答既有以，感時撫事憎惋傷。先帝侍女八千

人公孫劔器初第一五十年間似反掌風塵  
 頽洞昏王室梨園弟子散如煙女樂餘姿映  
 寒日金粟堆南木已拱瞿唐石城草蕭瑟玳  
 筵急管曲復終樂極哀來月東出老夫不知  
 其所往足繭荒山轉愁疾濃至慘黯如野笛  
 也○鄭曰燿音鵠灼也洙曰淮南子堯時十日並出堯令羿射中九日曰鳥皆死墮其羽翼夢弼曰臨穎縣屬許州洙曰唐紀玄宗親幸五陵至睿宗橋陵見金粟山岡有龍盤鳳  
侍雨 不關拱矣趙曰足繭足狀如繭也

有歎

公自注傳蜀官軍自圍普遂

壯心久零落白首寄人間天下兵常聞江東  
 客未還自蜀歸皆窮猿號雨雪老馬望關山  
 武德開元際蒼生豈重攀洙曰武德高祖年號開元明皇年號

寒雨朝行視園樹

柴門擁樹向千株丹橘黃甘此地無江上今  
 朝雲雨歇籬中秀色畫屏紅桃蹊李徑年雖  
 故梳子紅椒艷色殊鑱石藤梢元自落倚天

松骨見來枯林香出實垂將盡葉蒂辭枝不  
重蘇愛日恩光蒙借貸清霜殺氣得憂虞衰  
顏動覓藜牀坐緩步仍須竹杖扶散騎未知  
雲閣處啼猿僻在楚山隅洙曰晉潘岳秋興賦余以太尉掾寓直干散騎之省高閣連雲陽景罕曜夙興晏寢匪違底寧於是慨然而賦

白鳥行

君不見黃鵠高於五尺童化為白鳥似老翁  
故畦遺穗已蕩盡天寒歲暮波濤中鱗介

腥膻素不食終日忍飢西復東魯門鷄鷄亦

蹭蹬聞道如今猶避風夢弼曰國語海鳥鷄鷄

禽曰今茲海具有災乎夫廣州之鳥獸常知避其災是歲海多大風

冬至

年年至日長為客忽忽窮愁泥殺人江上形  
容吾獨老天涯風俗自相親杖藜雪後臨丹  
壑鳴玉朝來散紫宸心折此時無一丈路迷  
何處見三秦洙曰漢書項羽三分關中王秦三降將章邯為雍王都廢立司

馬欣為塞王都襟陽董翳  
為翟王都高奴故曰三秦

舍弟觀赴藍田取妻子到江陵喜寄

三首

汝迎妻子達荊州消息真傳解我憂鴻鴈影

來連峽內鵲鴿飛急到沙頭曉關險路今虛

遠禹鑿寒江正穩流朱紱即當隨綵鷁青春

不假報黃牛且都西陵山中有黃牛山希曰沙頭亦地名在江陵隋可

南今以觀赴藍田故云洙曰郭璞江賦巴東之峽夏后疏鑿

夏秋水險  
冬寒水落  
則其流正  
穩可以乘  
舟出峽下  
江陵

馬度秦山雲正深北來肌骨苦寒侵他鄉就

我生春色故國移居見客心歡劇提攜如意

舞喜多行坐白頭吟巡簷索共梅花笑冷藥

踈枝半不禁洙曰歡劇一作刺欲王戎好如意舞文君作白頭吟

庾信羅含俱有宅春來秋去作誰家短牆若

在從殘草喬木如存可假花此若在如存上皆書扎語

築應同蔣詡徑為園須似邵平瓜比年病酒

開涓滴真其弟勸兄酬何怨嗟黃曰庾信因侯景之亂自建康

遁歸江陵居宋玉故宅宅在城北三里羅舍  
為桓溫別駕以廨舍喧擾於江陵城西三里  
小洲上立茅屋而居洙曰三輔决錄蔣詡舍  
中竹下開三徑惟羊仲求仲從之遊漢書邵  
平故秦東陵侯貧  
種瓜長安城東

### 別李義

神堯十八子十七王其門道國洎舒國實惟  
親弟昆中外貴賤殊余亦忝諸孫丈人嗣王  
業之子白玉溫道國繼德業請從丈人論丈  
人領宗卿肅穆古制敦先朝納諫諍直氣橫

乾坤子建文章壯河間經術存溫克富詩禮  
骨清慮不喧洗然遇知己談論淮湖奔憶昔  
初見時小襦繡芳蓀長成忽會面慰我久疾  
魂三峽春冬交江山雲霧昏正宜且聚集恨  
此當離樽莫怪執盃遲我衰涕唾煩重問子  
何之西上岷江源願子少干謁蜀都足戎軒  
誤失將帥意不如親故恩少年早歸來梅花  
已飛翻努力慎風水豈惟數盤殮猛虎卧在

岸蛟螭出無痕王子自愛惜老夫困石根生

別古所嗟發聲為爾吞鮑曰高祖二十三名

衛懷王玄霸楚哀王智雲先薨太子建成巢

王元吉以事誅除籍故此止言十八子而太

宗有天下十七子封王也趙曰中外貴賤殊

余亦忝諸孫詳詩意李義當是道國之裔孫

而公則裔國後裔之外孫也丈人又指李義

之父嘗為宗正卿馬曰古制敦謂敦厚宗族

也洙曰曹植字子建魏文帝弟也河間獻王

德漢景帝子也趙曰賈誼過秦論寒者利短

褐注云

小襦也

送高司直尋封闕州

丹雀嚙書來暮棲何鄉樹驂駟事天子辛苦

在道路司直非冗官荒山甚無趣借問泛舟

人胡為入雲霧與子姻婭間既親亦有故萬

里長江邊邂逅一相遇長卿消渴再公幹沉

綿屢清談慰老夫開卷得佳句時見文章士

欣然淡情素伏枕聞別離疇能忍漂寓良會

苦短促溪行水奔注熊羆咆空林游子慎馳

驚西謁巴中侯艱險如跬步主人不世木先

帝常特顧拔為天軍佐崇大王法度淮海生  
清風南翁尚思慕公宮造廣厦木石乃無數  
初聞伐松栢猶卧天一柱我病書不成成字  
讀亦誤為我問故人勞心練征戍趙曰尚書中候曰赤  
雀丹書入豐止于昌前昌拜稽首受之列子  
周穆王駕八駿之乘右服驂駟驅馳千里鶴  
曰司直大理寺官也  
魏劉公幹詩余嬰沉痾疾竄身清漳濱巴中  
指閬州王人謂巴中侯也  
羽林天軍唐兵志則有天武健兒神武天騎  
其以此為天軍耶  
趙曰言淮海則必嘗官於  
揚州等處也  
希曰南翁即如真羽傳所謂南

公也  
趙曰左傳構其公官猶卧天一柱則因  
以美封閬州也  
神異經崑崙有銅柱其亭入  
天所謂天柱也故  
人即是指封閬州

### 錦樹行

今日苦短昨日休歲云暮矣增離憂霜凋碧  
樹作錦樹萬壑東逝無停留荒戍之城石色  
古東郭老人住青丘飛書白帝營斗粟琴瑟  
几杖柴門憂青草萋萋盡枯死天驥跛足隨  
鼂牛自古聖賢多薄命姦雄惡少封公侯故

王云信是  
亂雜但於  
無次第無  
端由中見  
種感歎

云



國三年一消息終南渭水寒悠悠五陵豪貴  
反顛倒鄉里小兒狐白裘生男墮地要膂力  
生女富貴傾邦國莫愁父母少黃金天下風

塵兒亦得通前後語言多亂雜有源當然者當  
而非內地屬洛陽者趙曰鼈牛蠻中牛也鄭

### 白帝城樓

江度寒山閣城高絕塞樓翠屏宜晚對白谷  
會深遊急急能鳴鴈輕輕不下鷗夷陵春色

起漸擬放扁舟夢彌曰夷陵峽州也

### 夜宿西閣曉呈元二十一曹長

城暗更籌急樓高雨雪微稍通綃幕霽遠帶

玉繩稀門鵲晨光起檣烏宿處非寒江流甚

細有意待人歸趙曰綃練也謂天霽之色薄  
如綃珠曰玉繩星名謝玄暉

詩玉繩低建章希曰檣烏謂  
船檣上刻為鳥形以占風也

### 西閣口號呈元二十一

山木抱雲稠寒空繞上頭雲崖纔變石風幔

不依樓社稷堪流涕安危在運籌看君話王  
室感動幾銷憂

寄從孫崇簡

嵯峨白帝城東西南有龍湫北虎溪起亦高吾  
孫騎曹不記馬業學戶鄉多養雞龐公隱時  
盡室去武陵春樹他人迷與汝林居未相失  
近身藥裹酒長攜牧叟樵童亦無賴莫令斬  
斷青雲梯脩可曰世說王子猷為桓冲騎曹參軍桓問曰卿署何曹答曰不知

何曹時見牽馬未似是馬曹又問所管幾馬  
曰不知馬何由知數又問馬比死多少曰  
知生焉知死劉向列仙傳祝雞翁洛人也  
居尸鄉北山下養雞千餘頭皆有名字  
奉送卿二翁統節度鎮軍還江陵鶴

卿二翁姓崔  
乃公舅氏

火旗還錦纜白馬出江城嘹唳吟笳發蕭條  
別浦清寒空巫峽曙落日渭陽情留滯嗟衰  
疾何時見息兵趙曰火旗朱旗也

白帝樓

漠漠虛無裏連連睥睨侵樓光去日遠峽影

入江深臘破思端綺春歸待一金春歸待一金可念臘

破思端綺非工部金去年梅柳意還欲攬邊

集孰謂此語堪解乎心趙曰睥睨城上女牆也宋曰古

夜歸

夜來歸來衝虎過非癡非狂語山黑家中已眠臥

傍見北斗向江低仰看明星當空大庭前把

燭噴兩炬峽口驚猿聞一箇白頭老罷舞復

歌杖藜不睡誰能那

夜聞簫篋

師曰樂部曰簫篋者笳管也卷蘆葉為頭截竹為管

出於胡地唐編入鹵簿名為笳管通

夜聞簫篋滄江上衰年側耳情所嚮鄰舟一

聽多感傷塞曲三更歛悲壯積雪飛霜此夜

寒孤燈急管復風湍君知天地干戈滿不見

江湖行路難君知干戈如此則不復恨行路矣○實歷喟然

滄溟選

前苦寒行二首

漢時長安雪一丈牛馬毛寒縮如蠟楚江巫  
 峽冰入懷虎豹哀號又堪記秦城老翁荆揚  
 客慣習炎蒸歲締給玄冥祝融氣或交手持  
 白羽未敢釋脩可曰西京雜記漢元封中大雪野中鳥獸皆死牛馬  
 卷縮如蠟朱曰老翁公  
 前年白帝雪在山今年白帝雪在地凍埋蛟  
 龍南浦縮其肌膚北風利楚人四時皆麻

衣楚天萬里無晶輝三足之鳥足恐斷羲和

迭迭將安歸

趙曰進南子日中有駿鳥注云駿趾也謂三足鳥也

晚晴

高唐暮冬雪壯哉舊瘴無復似塵埃崖沉谷  
 沒白皚皚江石缺裂青楓摧南天三旬苦霧  
 開赤日照耀從西來六龍寒急光徘徊照我  
 衰顏忽落地口雖吟詠心中哀未怪及時少  
 年子揚眉結義黃金臺汨乎吾生何飄零支

離委絕同死灰

意甚悲語甚澀

復陰

方冬合沓玄陰塞，昨日晚晴今日黑。萬里飛蓬映天過，孤城樹羽揚風直。江濤簸岸黃沙走，雲雪埋山蒼兕吼。君不見夔子之國杜陵翁，牙齒半落左耳聾。

後苦寒行二首

南紀巫廬瘴不絕，太古以來無尺雪。蠻夷長

老怨苦寒，崑崙天關凍，應折玄猿口，噤不能嘯。白鵠翅垂，眼流血，安得春泥補地裂。

夢弼曰詩

南國之紀巫廬二山也崑崙山為天柱崆峒山為天關

晚來江間失大木，猛風中夜飛白屋。天兵斬斷青海戎，殺氣南行動坤軸。不爾苦寒何大酷，巴東之峽生凌澌。彼蒼迴斡人得知。

兩首兩樣

作者自然○洙曰本一作江門鶴曰青海戎指吐蕃也

元日示宗武

大曆三年夔州至江陵府作山谷云予謫居黔

州盡書子美兩川夔峽諸詩以遺丹  
稜楊素翁俾刻之石使大雅之音久  
湮沒而復盈三巴之耳素翁又欲作  
高屋廣楹庇此石因請名焉予名之  
曰大雅堂仍為作記其畧云由杜子  
美以來四百餘年斯文委地文章之  
士隨世所不能傑出時輩未有升子美  
之堂者况室家之好耶余嘗欲隨偶  
然會意處箋以數語終以汨沒世俗  
初不服給雖然子美詩妙處乃在無  
意而離騷九歌安能咀嚼其風味  
然入其門取後之登大雅堂者能以  
得之深矣使後之登大雅堂者能以  
余說而求之則思過半矣彼喜穿鑿  
者棄其大旨取其發興於所遇林泉

如人物草木魚虫以為物物皆有所託  
如世間商度隱語者則子美之詩委

汝啼吾手戰吾笑汝身長處處逢正月迢迢  
滯遠方飄零還柏酒衰病只藜牀訓諭青衿  
子名慙白首郎賦詩猶落筆獻壽更稱觴不  
見江東弟高歌淚數行（公字注）弟豐在江左無消息

又示宗武

覓句新知律攤書解滿床試吟青玉案莫帶

紫羅囊。假日從時飲。明年共我長。應須飽經  
 術。已似愛文章。十五男兒志。三千弟子行。曾  
 參與游夏。達者得升堂。老人語。○洙曰。張平  
 子四愁詩。美人贈我  
 錦綉段。何以報之。青玉案。晉謝玄少好佩紫  
 羅香囊。叔父安患之。而不欲傷其意。因戲賭  
 取之。於此遂止。假  
 因架切。休假也。

遠懷舍弟穎觀等

陽翟空知處。荆南近得書。積年仍遠別。多難  
 不安居。江漢春風起。冰霜昨夜除。雲天猶錯

莫花萼尚蕭疎。對酒都疑夢。吟詩正憶渠。舊

時元日會鄉黨。羨吾廬。鶴曰。陽翟縣屬許州  
 穎之所在也。荆南即

江陵前有舍弟觀  
 取妻子到江陵詩

太歲日。鶴曰。按史。大曆三年歲次戊  
 申正月丙午朔。則初三日為

太歲  
 日也

楚岸行將老。巫山坐復春。病多猶是客。謀拙  
 竟何人。閭闔開黃道。衣冠拜紫宸。榮光懸日  
 月。賜子出金銀。愁寂鴛鴦行。斷參差。虎穴鄰。西

滄溟選

江元下蜀北斗故臨秦散地逾高枕生涯脫

要津天邊梅柳樹相見幾回新後山詩話云九

天宮殿開闔闔萬國衣冠拜冕旒子美取作

五字云闔闔開黃道衣冠拜紫宸而語益工

也鶴曰唐紫宸正殿名洙曰中候曰榮光出

河休氣四塞榮光即五色也趙曰楚人指蜀

下也散地閑散之地也

喜聞盜賊蕃寇摠退口號五首鶴曰

大曆二年吐蕃入寇十月路

嗣恭及吐蕃戰于靈州敗之

蕭關隴水入官軍青溪黃河卷塞雲北極轉

愁龍虎氣西戎休縱犬羊羣趙曰蕭關在靈

指隴州也青海在

西即吐蕃之地也

贊普多教使入秦數通和好止煙塵朝廷忽

用哥舒將殺伐虛悲公主親說舊事○洙曰

也趙曰開元末吐蕃金城公主薨遣使來告

又因精和朔皇不許以哥舒翰節度隴右翰

相收九曲故地

崆峒西極過崑崙駝馬由來擁國門逆氣數

年吹路斷蕃人聞道漸星奔趙曰劉孝標廣

絕交論靡不望



影星

勃律天西采玉河，堅昆碧盤最來多。舊隨漢

使千堆寶，少答胡王萬匹羅。鄭曰：唐書西域傳大勃律西與

小勃律接夢符曰：唐書千闐國有玉河，國人夜視月光盛處，必得美玉。趙曰：堅昆國出碧

盤

今春喜氣滿乾坤，南北東西拱至尊。大曆三

年調玉燭，玄元皇帝聖雲孫。趙曰：爾雅四氣和謂之玉燭。脩

可曰：唐以老子為聖祖，封玄元皇帝。師曰：爾雅釋仍孫之子為雲孫，注言輕遠如浮雲。

續得觀書迎，就當陽居止。正月中旬

定出三峽。鶴曰：當陽縣屬江陵府。

自汝到荆府，書來數喚吾。頌椒添諷詠，禁火

卜歡娛。舟楫因人動，形骸用杖扶。天旋夔子

峽，春近岳陽湖。發日排南喜，傷神散北吁。飛

鳴還接翅，行序密銜蘆。俗薄江山好，無情者不變

時危草木蘇。馮唐雖晚達，呂氏童蒙終覲在皇都。

訓云：杜詩如雕虫蒙記，憶烹鯉問沉綿，不說作賦而說雕虫，不說寄書而說烹鯉，不說疾

病而說沉綿頌椒添諷詠禁火上歡娛不說歲節但云頌椒不說寒食但云禁火亦文章之妙也

人日二首

元日到人日未有不陰時冰雪鸞難至春寒

花較遲雲隨白水落風振紫山悲蓬鬢稀疏

久無勞比素絲稀疎少疊恁有態。蔡條西籍嘗與客論云子美人日詩元日至人日未有不陰時人知其一不知其二起就架上取書示客曰此東方朔占書也歲後八日一日為雞二日為狗三日為豕四日為羊五日為

牛六日為馬七日為人八日為穀其日晴主所生之物有陰則災少陵意謂天寶離亂四方雲擾幅裂人物歲歲俱災豈春秋書王正月意耶

此日此時人共得一談一笑俗相看樽前栢

葉休隨酒勝裏金花巧耐寒佩劍衝星聊暫

拔匣琴流水自湏彈早春重引江湖興直道

無憂行路難趙曰四民月令元日進椒栢酒

以相遺或饌金薄為人勝以像瑞圖之形趙曰伯牙鼓琴志在流水

江梅

梅蕊臘前破，梅花年後多。絕知春意早，最奈客愁何。雪樹元同色，江風亦自波。故園不可見，巫岫鬱嵯峨。

庭草

楚草經寒碧，庭春入眼濃。舊低收葉舉，新掩捲牙重。步履宜輕過，開筵得屢供。看花隨節序，不敢強為容。

將別巫峽贈南卿兄讓西果園四十

畝 一子流名

苔竹素所好，萍蓬無定居。遠遊長兒子，幾地別林廬。雜藥紅相對，他時錦不如。具舟將出峽，巡圃念攜鋤。正月喧鶯未，茲辰放鷓初。雪籬梅可折，風榭柳微舒。託贈鄉家有，謂鄉家贈君此。因歌野興疎，殘生逗江漢。何處狎樵漁。注語自可念。殊日司馬相如賦浮文。鷓水鳥畫其象於舟首以厭水怪。

送大理封主簿五郎親事不合却赴

說得極慎  
重極  
勸名  
方覺  
贈  
贈  
贈

通州主簿前閩州賢子余與主簿平章鄭氏女子垂欲納采鄭氏伯父京書至女子已許他族親事遂停

禁鬱去東牀趨庭赴北堂風波空遠涉琴瑟幾虛張渥水出騏驎崑山生鳳凰兩家誠款款中道許蒼蒼頗謂秦晉匹從來王謝郎青春動才調白首缺輝光玉潤終孤立珠明得闇藏餘寒坼花卉恨別滿江鄉題意悵款詩不盡興○

曰晉孝武帝為晉陵公主求婚謂王珣曰王婿但如劉真長王子敬便足珣對曰謝混雖不及真長不減子敬未幾帝崩袁山松欲以女妻之珣曰卿莫近禁鬱初元帝始鎮建業公私寤罄每得一豚以為珍膳項上一鬻竟尚主郗鑒使門生求女婿於王導導令就東廂徧觀子弟門生歸謂鑒曰王氏諸少並佳然聞信至咸自矜持惟一人在東床坦腹食獨若不聞鑒曰正此佳婿邪訪之乃羲之也遂以女妻之漢書馬生渥注水中左傳秦晉匹也晉江左以王謝為貴族晉樂廣以女妻衛玠議者以為婦

大曆三年春白帝城放船出瞿唐峽

參錯 奇特 批律 至以 下神

久居夔府將適江陵漂泊有詩凡四

十韻鶴曰詩言舟行所經之地至宜而止則此詩作於夷陵也

老向巴人裏今辭楚塞隅入舟翻不樂歸之思

父得舟則快矣而臨別不可為解纜獨長吁

窄轉深啼狖虛隨亂浴鳧石苔凌几杖空翠

撲肌膚疊壁掛霜劍奔泉濺水珠杳冥藤上

下濃淡樹榮枯神女峯娟妙昭君宅有無曲

留明怨惜夢盡失歡娛擺闔盤渦沸款斜激

浪轉風雷纏地脉冰雪曜天衢鹿角真趨險

狼頭如跋胡公自注鹿角惡灘寧變色高卧

負微軀書史全傾撓裝囊半壓濡生涯臨臬

兀死地脫斯須不有平川决焉知衆壑趨乾

坤霾漲海雨露洗春蕪鷗鳥牽絲颺驪龍濯

錦紆落霞沉綠綺殘月壞金樞奇險坡玉塔

此泥笋苞初荻沙茸出小蒲鴈兒爭水馬燕

子逐檣烏絕島容煙霧環州納曉晡前聞辨

未嘗虛海賦后乃大明鑲鑿於金樞之穴翔陽遂叛於扶桑之津大明月也月有御故云鑲鑿金樞西方月之沒處

上集卷之二 三

陶牧轉巧拂宜都縣郭南畿好津亭北望孤

勞心依憩息朗詠劃昭蘇意遣樂還笑衰迷

賢與愚飄蕭將素髮汨沒聽洪鑪丘壑曾忘

返文章敢自誣此生遭聖代誰分哭窮途次造

有體卧疾淹為客蒙恩早廁儒廷爭酬造化樸

直乞江湖灑瀕險相迫滄浪深可逾浮名尋

巴巴嬾計却區區喜近天皇寺先披古畫圖

公自注此寺有晉王右軍書應經帝子渚同

張僧繇畫孔子十哲形像

泣舜蒼梧朝士兼戎服君玉按湛盧旄頭初

傲擾鶉首麗泥塗甲卒身雖貴書生道固殊

出塵皆野鶴歷塊匪轅駒伊呂終難降韓彭

不易呼異代同歎五雲高大甲太甲次考注謂以太甲比代宗繆且

無六月曠搏扶回首黎元病爭權將帥誅山

林託疲繭未必免崎嶇注見前左傳鄭子家

曰小國之事大國不德則其鹿也鋌而走險

急何能擇詩狼跋其胡謝玄暉詩餘霞散成

綺澄江靜如練夢符曰本草水馬生水中善

行如馬亦謂之海馬蘇曰王粲登樓賦北彌

上集卷一  
四

陶牧注陶鄉名江陵縣西有陶朱家爾雅釋地郊外謂之牧洙曰宜都峽州也趙曰廷爭酬造化公嘗論房瑄不宜廢夢符曰梁張僧孫嘗於江陵天皇寺栢堂圖盧舍那佛像夜有奇光發自屋壁又於堂內圖孔子十哲像或謂釋門之內寫素王之容雖曰神異無方豈可夷夏同貫僧繇笑曰吾誠偶然安知不利於後聞者莫知其旨及後周滅二教梁為附庸荆楚祠宇莫不毀撤惟天皇寺有宣尼像遂為國庠時人歎其先覺又嘗於此寺畫龍不即點睛道俗請之捨錢數萬落筆之後雷雨晦冥忽失龍不知所在見渚宮故事定功曰屈原九歌帝子降兮北渚注帝子堯二女也隨舜不返及於湘水之渚史記舜南狩行死於蒼梧之野歸葬於江南之九疑洙曰湛盧越王劍名晉天文志昂為旌頭胡星也

趙曰鵝首麗泥塗謂廣德元年長安陷也洙曰伊呂韓彭謂伊尹呂望韓信彭越也莊子鵬之徙於南溟也博扶搖而上者九萬里去以六月息者也又爾然瘦而不知其所歸可不哀邪

巫山縣汾州唐使君十八弟宴別兼

諸公攜酒樂相送率題小詩留于屋

壁

卧病巴東久今年強作歸故人猶遠謫茲日  
信多違接宴身兼杖聽歌淚滿衣諸公不相

棄擁別借光輝

鶴曰山谷詩集有戲題巫山

客吳儂但憶歸直知難共語不是故相違東

縣聞銅臭江陵換袷衣丁寧巫峽雨慎莫暗

春夜峽州田侍御長史津亭留宴得

筵字

北斗三更席西江萬里船杖藜登水榭揮翰

宿春天白髮須多酒明星惜此筵始知雲雨

峽忽盡下牢邊

鶴曰峽州有下牢戍

敬寄族弟唐十八使君

與君陶唐後盛族多其人聖賢冠史籍枝派

羅源津在今最磊落巧僞莫敢親介立寔吾

弟濟時肯殺身物白諱受玷行高無汗真得

罪永泰末放之五溪濱鸞鳳有鍛翮先儒曾

抱麟雷霆霹長松骨大却生筋一失不足傷

念子孰自珍泊舟楚宮岸戀闕浩酸辛除名

配清江厥土巫峽鄰登陸將首途筆札枉所



申歸朝跼病肺叙舊思重陳春風洪濤壯谷  
轉頗彌旬我能汎中流搪突鼉獺嗔長年已

省施慰此貞良臣洙曰左傳范宣子曰昔句

在夏為御龍氏在商為豕韋氏在周為唐杜

氏晉主夏盟為范氏夢弼曰永泰代宗年號

鄭曰水經云武陵有五溪謂雄溪楠溪西溪

無溪辰溪悉是蠻夷子孫後漢書注云今在

辰州界洙曰顏延年詠嵇中散詩鸞翻有時

鍛鍛所拜切殘也鶴曰施州為清江郡趙曰

郭璞江賦盤渦谷轉

洙曰長年操舟者

汨松滋江亭鶴曰松滋縣

屬江陵府

紗帽隨鷗鳥扁舟繫此亭江湖深更白凡水

必黑惟湖光窳白松竹遠還青一柱全應近

非子美誰能道此高唐莫再經恨無復今宵南極外甘作老人

星陵洙曰一柱觀在江

陵高唐觀在巫峽行次古城店泛江作不揆鄙拙奉呈

江陵幕府諸公

老年常道路遲日復山川白屋花開裏孤城

麥秀邊開闢濟江元自闕下水不勞牽風蝶

勤依槩春鷗懶避船王門高德業公自注時陽城郡王

衛節度使江幕府盛材賢行色兼多病蒼茫

汎愛前泛泛舟愛回前至江陵息此老病也

荆州當陽縣東南有麥賦宋曰史記箕子過故殷墟作麥秀之歌

乘雨入行軍六弟宅夢弼曰時杜位為江陵行軍司

馬

曙角凌雲罷春城帶雨長水花分塹弱巢燕

得泥忙令弟雄軍佐公數自稱令弟皆創意傳後可據耳凡材

汚省郎萍漂忍流涕衰颯近中堂

上巳日徐司錄林園宴集

鬢毛垂領白花藥亞枝紅欹倒衰年廢招尋

令節同薄衣臨積水吹面受和風語別人有喜

留攀桂無勞問轉蓬宋曰潘岳秋興賦班鬢彪以承弁兮素髮颯以

垂領劉安招隱士云攀援桂枝兮聊淹留

宴胡侍御書堂公自注李尚書之芳鄭秘監審同集歸字

韻

江湖春欲暮，牆宇日猶微。閭閻書籍滿，輕輕

花絮飛。翰林名有素，墨客興無違。今夜文星

動，吾儕醉不歸。洙曰：漢揚雄作長楊賦，藉翰

風。趙曰：翰林以稱。鄭李及胡侍御。

書堂飲既夜，復邀李尚書下馬月下。

賦絕句

湖上林風相與清，殘罇下馬復同傾。甚得當日之意。

久拚野鶴如雙鬢，遮莫鄰雞下五更。藏有翼。

黃云：遮莫，蓋俚語。猶言儘教也。自唐以來有

之。故當時有遮莫你古時五帝何如我今日

三郎之說。然詞人亦稍有有用之者。杜詩云：久

拚野鶴如雙鬢，遮莫鄰雞下五更。李太白詩：遮莫

遮莫親姻連帝城，不如當代自簪纓。

江南逢李龜年

岐王宅裏尋常見，崔九堂前幾度聞。公自注：崔九即

殿中監崔綽。興來正是江南好，風景落花

感舊不覺真率自然。

時節又逢君。鶴曰：按史：岐王範，睿宗子。然以

王珍也。洙曰：明皇雜錄云：天寶中，上命宮中

女子數百人，為梨園弟子。時有馬仙期、李龜

中監崔綽。興來正是江南好，風景落花

感舊不覺真率自然。

年賀懷智皆洞知律度龜年特承顧遇於東  
都大起第宅後流落江南每遇良辰勝景為  
人歌數闋座上聞之莫不掩泣罷酒夢弼曰  
雲溪友議明皇樂工李龜年奔迫江潭曾於  
湖南採訪使筵上唱紅豆生南國秋來發幾  
枝贈公多採摘此物最相思又云清風明月  
苦相思蕩子從戎十載餘征人去日慙慙  
屬歸鴈來時數附書此詞皆王維所作也

南征

春岸桃花水雲帆楓樹林偷生長避地適遠  
更霑襟老病南征日君恩北望心百年歌自  
苦未見有知音此等不忍再讀

地隅

江漢山重阻風雲地一隅年年非故物處處  
是窮途喪亂秦公子悲涼楚大夫平生心已  
折行路日荒蕪洙曰謝靈運擬魏公子鄴中  
詩序王粲家本秦川貴公子  
孫遭亂流寓自傷情多  
楚大夫屈原宋玉也

歸夢

道路時通塞江山日寂寥偷生惟一老伐叛  
已三朝紀事有情孰不愛雨急青楓暮雲深黑水遙

夢歸歸未得不用楚辭招趙曰楚地多楓此言南下之景黑水

在鄂杜之間去長安為近

### 奉送蘇州李二十五長史丈之任

星拆台衡地曾為人所憐公侯終必復經術

竟相傳食德見從事克家何妙年一毛生鳳

穴三尺獻龍泉赤壁浮春暮姑蘇落海邊客

間頭最白惆悵此離筵趙曰晉張華傳少子

遜位華不從後竟被誅今以言李長史之父惟乎無所考洙曰漢成帝時歌謠曰桂樹華

王云雖不為佳亦是老成

不實黃爵巢其顛故為人所羨今為人所憐左傳公侯之子孫必復其始漢韋賢父子明經位至丞相易訟卦六二食舊德貞厲終吉或從王事無成蒙九二子克家夢符曰南史謝鳳子超宗宋文帝見其作殷淑儀誅嗟賞謂謝莊曰超宗殊有鳳毛洙曰龍泉楚王劍名趙曰赤壁言李長史所經之地蘇州稱姑蘇本山名

### 暮春江陵送馬大卿公恩命追赴闕

下

自古求忠孝名家信有之吾賢富才術此道

未磷緇玉府標孤映霜蹄去不疑激揚音韻

徹籍甚衆多推潘陸應同調孫吳亦異時北  
辰徵事業南紀赴恩私卿月昇金掌王春度  
玉璫薰風行應律湛露即歌詩天意高難問  
人情老易悲樽前江漢闊後會且深期後漢曰  
韋彪議曰求忠臣必於孝子之門孫季昭示  
兒編云村詩中多有反經史字音論語磨而  
不磷力刃切公暮春送馬太卿曰此道未磷  
緇別崔湜曰但取不磷緇皆作平聲趙曰潘  
陸謂潘岳陸機洙曰孫吳謂孫武吳起書卿  
士惟月趙曰金掌謂承露仙人掌此譬其近  
於顯要也王春度玉璫言其以春時詣  
天子之丹墀也詩湛露天子燕諸侯也

暮春陪李尚書李中丞過鄭監湖亭

泛舟得過字

鶴曰湖亭在峽州

海內文章伯湖邊意緒多玉樽移晚興桂楫  
帶酣歌春日繁魚鳥江天足芰荷鄭莊賓客  
地衰白遠來過

蠶穀行

天下郡國向萬城無有一城無甲兵焉得鑄  
甲作農器一寸荒田牛得耕牛盡耕田蠶亦

士集卷八

蠶穀行

成不勞烈士淚滂沱男穀女絲行復歌

三絕句

前年渝州殺刺史今年開州殺刺史羣盜相

隨劇虎狼食人更肯留妻子師曰步將吳璘

下以反杜鴻漸討平之又部卒崔封殺開州

刺史蕭崇之以叛楊子琳討平之鶴曰唐志

渝州屬劍南開州屬山南杜鴻漸平吳璘楊

子琳平崔封在大曆元年與三年學林新編

論殊非子美又前四句或者謂是題下注此

今年開州殺刺史正與杜鶴詩相類自是一格也

谷關西南界入洋州路

女齧臂時迴頭却向秦雲哭希曰唐志鳳翔

殿前兵馬雖驍雄縱暴略與羗渾同聞道殺

人漢水上婦女多在官軍中師曰時天子命

策軍彈壓蜀中之亂羗渾謂吐谷渾本西羗之種也

和江陵宋大少府暮春雨後同諸公及舍弟宴書齋

上集卷之八 記 云

伐

而

冊

之

渥洼汗血種天上麒麟兒才士得神秀書齋

聞爾為聞字不可解棣華晴雨好綵服暮春

宜朋酒日歡會老夫今始知誠齋謂此譏諸公會不見招雖

至猥淺得義外意。朱曰渥洼汗血馬見漢書禮樂志南史徐陵年數歲家人携以候沙

麟也詩朋酒注兩樽曰朋

宇文晁尚書之甥崔或司業之孫尚

書之子重泛鄭監前湖

郊扉俗遠長幽寂野水春來更接連錦席淹

留還出浦葛巾欹側未迴船樽當霞綺輕初

散棹拂荷珠碎却圓不但習池歸醪酌君看

鄭谷去黃緣朱曰謝玄暉詩餘霞散成綺晉山簡遊習池鄭子真耕於谷口

並註見前

惜別行送向卿進奉端午御衣之上

都天曆三年夏江陵府作

肅宗昔在靈武城指揮猛將收咸京向公泣

血洒行殿佐佑卿相乾坤平逆胡冥冥隨煙

七集卷八

年

云



燼卿家兄弟功名震麒麟閣畫鴻鴈行紫極  
出入黃金印尚書勲業超千古雄鎮荊州繼  
吾祖裁縫雲霧成御衣拜跪題封賀端午向  
卿將命寸心赤青山落日江湖白卿到朝廷  
說老翁漂零已是滄浪客趙曰向卿其名無所考鶴曰尚書謂  
衛伯玉也時為荊南節度江陵尹趙曰公之遠祖杜預在晉為鎮南大將軍都督荊州諸  
軍

夏日楊長寧宅送崔侍御常正字入

京探韻得深字

鶴曰唐志長寧縣屬鎮北大都護府

醉酒揚雄宅升堂子賤琴不堪垂老鬢還對  
欲分襟天地西江遠星辰北斗深烏臺俯麟  
閣長夏白頭吟洙曰揚雄有宅一區家素貧嗜酒必子賤治單父彈琴不見前希曰唐改秘書省為麟閣

夏夜李尚書筵送宇文石首赴縣聯

句夢弼曰李尚書名之芳字文名或尚書之甥也石首縣屬江陵

愛客尚書重之官宅相賢甫酒香傾坐側帆

影駐江邊之芳 翟表郎官瑞鳧看令宰仙或

雨稀雲葉斷夜久燭花偏甫 數語歌紗帽高

文擲綵牋之芳 興饒行處樂離惜醉中眠或

單父長多暇河陽實少年甫 客居逢自出為

別幾凄然之芳 ○洙曰晉魏舒少孤為外家

云當出貴甥外祖母以盛氏甥小而慧意謂

應之舒口當為外氏成此宅相書羽賦夏翟

注翟雉名漢蕭望之為郎有雉數十常隨車

多病執熱奉懷李尚書之芳

衰年正苦病侵陵首夏何須氣鬱蒸大水森

茫炎海接奇峯碑兀火雲升恩霑道暍黃梅

雨敢望宮恩玉井冰不是尚書期不顧山陰

野雪興難乘山陰野雪反語○鄭曰暍音謂

曰漢陳遵每飲賓客輒關門取客車轄投井

中雖有急終不得去時北都刺史奏事過遵

母叩頭自白當對尚書有期會狀毋乃令從

後閣出應休肆與公琰書仲孺不辭同產之

服孟公不顧尚書之期晉王子猷居山陰雪

卷六

五

夜懷戴安道便乘舟詣之造門不前而返  
日乘輿而來興盡而返何必見安道邪

水宿遣興奉呈羣公

魯鈍仍多病逢迎遠復迷耳聾須畫字髮短  
不勝篔簹澤國雖勤雨炎天竟淺泥小紅還積  
浪弱纜且長堤歸路非關北行舟却向西暮  
年漂泊恨今夕亂離啼童稚頻書札盤飧詎  
糝藜我行何到此物理直難齊高枕翻星月  
嚴城疊鼓鞞風號聞虎豹水宿伴鳧鷖異縣

驚虛往同人惜解攜蹉跎長汎鷁展轉屢聞  
雞嶷嶷瑚璉器陰陰桃李蹊餘波期救涸費  
日苦輕齋杖策門闌邃肩輿羽翮低自傷甘  
賤役誰愍疆幽棲巨海能無釣浮雲亦有梯  
勳庸思樹立語默可端倪贈粟困應指登橋  
柱必題丹心老未折時訪武陵溪編曰澤國  
勤雨字雖出穀梁傳言不雨者勤雨也而此  
乃勤數之義洙曰家語孔子藜羹不糝李廣  
傳桃李不言下自成蹊吳周瑜求資糧於魯  
肅肅家有兩困米各三千斛肅乃指一困與

滄溟選

周瑜成都城北有昇遷橋司馬相如初西  
去題其柱曰不乘駟馬車不復過此橋

江陵望幸

雄都元壯麗望幸歛威神地利西通蜀天文

北照秦風煙含越鳥舟楫控吳人且悲且喜倉卒有氣

未柱周王駕終期漢武巡甲兵分聖旨居守

付宗臣早發雲臺仗恩波起涸鱗鶴曰按史

以江陵府為南都又按廣德元年吐蕃入寇代宗幸陝以衛伯玉有幹畧可當方面任大

陵故公有此作王內翰注云時代宗有意幸江

明皇幸蜀時未以江陵為都也陝曰周穆王

肆意遠遊駕八駿之乘漢武帝南巡至于盛

唐注盛唐南郡也景帝時七國反以誅鼂錯

為名錯欲令上自將兵而身居守蕭何漢之

宗臣鶴曰宗臣指郭子儀時代宗幸陝郭

子儀旋復京師帝以子儀為京城留守

號國夫人入見張祐集作集靈堂

號國夫人承主恩平明上馬入宮門却嫌脂

粉貴彌曰唐書楊 澹貴如 顏色有姊三人 淡掃蛾眉朝至尊

長封號國並承 恩出入宮掖

遣悶

北集卷八

唐

地闊平沙岸舟虛小洞房使塵來驛道城日  
避烏檣暑雨留蒸濕江風借夕涼行雲星隱  
見疊浪月光芒螢鑿緣帷徹蛛絲眉鬢長冷  
不哀箏猶凭几鳴笛竟霑裳倚著如秦鰲過  
逢類楚狂氣衝看劔匣穎脫撫錐囊妖孽關  
東臭兵戈隴右瘡時清疑武畧世亂踣文場  
餘力浮于海端憂問彼蒼百年從萬事故國  
耿難忘趙曰泊船近城日為城所障故云城  
日避烏檣此公之巧句也

螢光可以照物也鄭曰晉音賦掛也洙曰賈  
誼傳秦人家貧子壯則出贅論語楚狂接輿  
晉張華見劔氣衝牛斗史記平原君曰士之  
處世譬如錐之處囊中其末立見毛遂曰使  
遂蚤得處囊中乃穎脫而出非特  
其末而已謝莊月賦端憂多暇

江陵節度使陽城郡王新樓成王請

嚴侍御判官賦七字句同作鶴曰節

伯玉

樓上炎天冰雪生高飛燕雀賀新成碧窓宿  
霧濛濛濕朱栱浮雲細細輕杖鉞褰帷瞻具

美投壺散秩有餘清自公多暇延參佐江漢

風流萬古情脩可曰晉羊球登西樓賦云盡棟浮細細之輕雲朱拱濕濛濛

之飛雨王逸少見之愛羨竟日朱曰漢宗資為中郎將杖鉞將兵督州郡賈琮為冀州刺

史舊典傳車駟駕垂赤帷裳迎於州界及琮之部升車言曰刺史當遠視廣聽糾察美惡

何有反垂帷裳以自掩塞乎乃命御者褰之百城聞風震悚奈遵為將軍對酒設樂必雅

壺歌投

又作此奉御王

西北樓成雄楚都遠開山岳散江湖二儀清

典則而清麗

滑還高下三伏炎蒸定有無出語如此江風山月何足陳哉

推轂幾年惟鎮靜曳裾終日盛文儒白頭授

簡焉能賦愧似相如為大夫洙曰漢馮唐傳古者命將跪而

推轂曰闌以內寡人制之闌以外將軍制之鄒陽傳公主之門不可曳長裾乎謝惠連雪

賦梁王遊於兔園授簡於司馬大夫曰為寡人賦之漢藝文志登高能賦可以為大夫

江邊星月二首

驟雨清秋夜金波耿玉繩天河元自白江浦

向來澄映物連珠斷緣空一鏡升餘光憶更

漏況乃露華凝

朱曰謝玄暉詩金波麗鳩鵲

玉繩謂星也

江月辭風纜江星別霧船雞鳴還曙色鷺浴

自晴川歷歷竟誰種悠悠何處圓客愁殊未

已他夕始相鮮

種謂星注引白榆繆但賦雜他語如何見是星月子美詩

每有此○朱曰古詩天上何所有歷歷種白榆

舟月對驛近寺

更深不假燭月朗自明船金利青楓外朱樓

白水邊城烏啼眇眇野鷺宿娟娟皓首江湖

客鈎簾獨未眠

舟中

風餐江柳下雨卧驛樓邊結纜排魚網連檣

並米船今朝雲細薄昨夜月清圓飄泊南庭

老祗應學水仙

趙曰鮑照詩風餐委松栢雲

南庭者猶北地謂之北庭耳鄭曰結字音係

出漢書張釋之跪為王生結鞶注結讀曰係

昔承推獎分媿匪挺生材遲暮宮臣忝艱危  
袞職陪揚鑣隨日馭折檻出雲臺罪戾寬猶  
活干戈塞未開星霜玄鳥變身世白駒催伏  
枕因超忽扁舟任往來九鑕巴巽火三蟄楚  
祠雷望帝傳應實昭王問不迴蛟螭深作橫  
豺虎亂雄猜素業行已矣浮名安在哉琴鳥  
曲怨憤庭鶴舞摧頽秋水漫湘竹陰風過嶺  
月搖求食尾常曝報恩腮結舌防讒柄探

腸有禍胎意甚苦蒼茫步兵哭展轉仲宣哀飢

籍家家米公自注籍入聲愁徵處處不休為貧士歎

任受衆人哈得喪初難識榮枯劃易該差池

分組冕合沓起蒿萊不必伊周地皆登屈宋

才漢庭和異域晉史坼中台霸業尋常體宗

臣忌諱災霸業尋常體謂出孫于羣公紛戮

力聖慮宵徘徊數見銘鍾鼎真宜法斗魁願

聞鋒鏑鑄莫使棟梁摧盤石圭多剪凶門戟



少推垂旒資穆穆祝網但恢恢赤雀翻然至

黃龍不假媒賢非夢傳野隱類鑿顏坏自古

江湖客冥心若死灰矯然而止。師曰唐六

置取詩袞職有闕惟仲山甫補之義以名

今公正言為拾遺時也。洙曰漢朱雲折檻詳

見後折檻行注。明帝圖畫功臣於南宮雲臺

趙曰廣雅玄鳥燕也。洙曰漢魏豹傳人生一

世如白駒之過隙。語鑽燧改火。漢藥巴嘗喫

酒以救蜀火。趙曰月令仲秋之月雷乃收聲

公以八月在夔在江陵是見雷之三月蟄矣。楚

祠楚人祠祭也。希曰公自入蜀至下峽之年

恰是九春其中在夔三年耳。洙曰成都記望

帝死其魂化為杜鵑左傳齊桓公以諸侯之

師伐楚責以爾貢包茅不入及昭王南征而

不復楚子使屈完對曰貢之不入寡君之罪

也昭王南征以膠舟故溺死。趙曰琴奏烏夜啼

南征至漢以膠舟故溺死。趙曰琴奏烏夜啼

之曲而庭鶴為之舞也。洙曰司馬子長報任

少卿書猛虎在檻奔之中。搖尾而求食。秦記

龍門魚登者化為龍。不登者點額曝腮而返

漢書結諫臣之舌。又禍生有胎。晉阮籍為步

兵校尉。痛哭途窮。漢高帝末。王粲字仲宣。以避難

土集卷一

五

周

制之史記成湯見野張網乃令去其三面祝  
曰欲左左欲右右不用命乃入吾網老子天  
網恢恢恢春秋演孔圖曰鳥化爲書孔子奉以  
告天赤雀集書上化爲黃玉趙曰遁甲曰赤  
雀不見則國無賢注赤雀主銜書陽精也瑞  
應圖曰黃龍四龍之長也王者不瀆池而魚  
則應和氣而遊於池沼此皆言祥瑞也夢弼  
曰淮南子魯君欲相顏闔使人以幣先焉顏  
闔鑿坑而遁揚雄解嘲云士或鑿坑以遁

江漢

江漢思歸客乾坤一儒儒片雲天共遠永夜  
不獨孤落日心猶壯秋風病欲蘇古來存老

馬不必取長途

古今詩話云楊大年不喜杜詩強大年大年不服因曰公試爲我續江漢思歸客一句大年亦爲屬對鄉人曰乾坤一腐儒大年似少屈趙曰韓非子管仲隰朋從桓公伐孤竹返迷惑失道管仲曰老馬之智可用也乃放老馬而隨之遂得道焉公之意蓋以自喻也

遠遊

江闊浮高棟雲長出斷山塵沙連越嶠風雨  
暗荆蠻鴈矯銜蘆內猿啼失木間弊裘蘇季  
子歷國未知還夢符曰唐志越嶠劔南道也

上集卷八

六

王不行黑  
貂之裘弊

### 折檻行

鶴曰此詩似為崔旰作也夫

度使是年四月旰入朝五月加檢校  
左散騎常侍未幾又加檢校工部尚  
書公蓋深惜當時朝廷無一人敢言  
者夢弼曰漢成帝時朱雲上書乞斬  
張禹上怒令御史將雲下雲攀殿檻  
檻折後當治檻上曰勿易因而輯之  
以旌直臣故後世殿

嗚呼房魏不復見秦王學士時難羨青襟  
子困泥塗白馬將軍若雷電千載少似朱雲

公至今折檻空嶙峋婁公不語宋公語尚憶

### 先皇容直臣

宗為秦王開文學館有十八學

士鶴曰青襟胄子謂國子生也書命夔典樂  
教胄子定功曰魏龐德常乘白馬與關羽戰  
射羽中額羽軍謂之白馬將軍脩可曰左太  
冲魏都賦階階嶙峋注高也容齋二筆云杜  
詩折檻行千載少似朱雲人至今折檻空嶙  
峋婁公不語宋公語尚憶先皇容直臣此篇  
專為諫爭而設謂婁師德宋璟也人多疑婁  
公既無一語何得為直臣錢仲云朝有闕  
政或婁公不語則宋公語但師德乃是武后  
朝人璟為相其亡久矣杜有祭房相國文言  
羣公間出魏杜婁宋亦併二公稱之詩言先  
皇謂玄宗也婁氏別無顯人有聲開元間為

不可曉

秋日荆南送石首薛明府辭滿告別  
奉薛尚書頌德叙懷斐然之作三十

韻鶴曰石首江陵屬邑也薛尚書景

使者來聘以戶部尚書薛景仙往報

南往為客久西候別君初歲滿歸鳧舄秋來  
把鴈書荆門留美化姜被就離居聞道和親  
入垂名報國餘連枝不日並八座幾時除往

者胡星孛恭惟漢網踈風塵相湏洞天

丘墟殿瓦鴛鴦坼宮簾翡翠虛鈎陳摧徼道

槍纍失儲胥文物陪巡狩親賢病拮据公時

呵貔貍首唱却鯨魚勢愜宗蕭相材非一范

睢公自注秦拜范睢為客卿卒聽其謀使五

大夫縮伐魏拔懷其相秦也東伐韓少曲

高平拔之又以其謀縱反間於趙趙以馬服

子代廉頗大破趙於長平皆范睢之謀故以  
將屍填太行道血走浚儀渠滄口師仍會

函關憤已攄紫微臨大角皇極正乘輿乘輿平聲

如諒闇唐賞從頻峨冕殊恩再直廬公自注

人多此類金吾新授羽林前豈惟高衛霍曾是接應徐降

集翻翔鳳追攀絕衆狙侍臣雙宋玉戰策兩

穰苴鑿澈勞懸鏡荒蕪已荷鋤嚮來披述作

公自注石首處重此憶吹噓白髮甘凋喪青

雲亦卷舒經綸功不朽跋涉體何如公自注

使和吐蕃應訝耽湖橘常餐占野蔬十年嬰

藥餌萬里狎樵漁揚子淹投閣鄒生惜曳裾

但驚飛熠燿不記改蟾蜍煙雨封巫峽江淮

略孟諸歷落語然湯池雖險固遼海尚填淤

努力輸肝膽休煩獨起予趙曰西候秋日也

書謂明府得薛尚書音問也洙曰漢姜肱兄

弟三人友愛嘗同被而寢唐以六尚書左右

僕射合為八座趙曰胡星指言祿山也洙曰

鄴都銅雀臺皆鴛鴦瓦西京雜記有翡翠簾

趙曰魏文帝夢殿屋兩瓦墜地化為鴛鴦洙

曰班孟堅西都賦周以勾陳之位又微道綺

錯揚雄長楊賦木擁槍櫓以爲儲胥注槍櫓

作木槍相櫓爲柵也櫓力軌切儲胥言儲蓄

以待所須也又儲胥館名鄭曰鯨鯢而封之以

翼乳切獸名趙曰左傳取其鯨鯢而封之以

為京觀夢弼曰漢書蕭何為一代之宗臣此  
以比郭郭令公洙洙曰太行山在河北浚儀渠水  
河也夢弼曰滏扶甫切光黃之間水名言尚  
書公督諸郡節度兵會於滏口也洙曰晉天  
文志大角星名天王座也左傳晉侯賞從亡  
者夢弼曰以漢衛青霍去病比其武功以魏  
應德璉徐公幹比其文學也趙曰翔鳳喻其  
兄弟也洙曰衆狙出莊子史記穰苴有司馬  
兵法誠齋詩話云有用文語為詩句者尤工  
杜云侍臣雙宋王戰策兩穰苴蓋用如六五  
帝四三王洙曰湖橘潭州有橘洲也投閣曳  
裾注見前熠燿螢火也蟾蜍謂月也夢弼曰  
爾雅十藪宋有孟諸注今在梁國此乃公追  
言梁宋之舊遊也趙曰遼海指幽燕漢志注  
填淤壅泥也

哭李尚書

之芳鶴曰尚書唐宗室也安祿山奏為范陽同馬祿也  
山反自投歸京師廣德初使吐蕃被  
留二年乃得歸拜禮部尚書改太子

賓客

漳濱與蒿里逝水竟同年欲挂留徐劍猶迴  
憶戴船極是傷痛相知成白首此別間黃泉風雨  
嗟何及江湖涕泫然容易沉著修文將管輅奉使  
失張騫史閣行人在詩家秀句傳客亭鞍馬  
絕旅櫬網蟲懸復塊昭丘遠歸魂素滌偏樵

蘇封葬地喉舌罷朝天秋色凋春草王孫若

箇邊洙曰劉公幹詩余嬰沉痾疾竄身清漳

漢書注蒿里死人里也洙曰吳季札聘魯過

徐徐君好季札劍口不敢言札心知之為使

上國未獻還至徐徐君已死札乃解其劍繫

之冢樹而去世言顏回卜商為地下修文郎

趙曰管輅見魏志方技傳夢弼曰奉使失張

騫謂李之芳廣德間嘗使吐蕃按公秋日獲

亦為李之芳而言也洙曰周禮秋官有大行

人小行人禮記骨肉歸復于土王粲登樓賦

西接昭丘注楚昭王墓也趙曰滄水名在長

安潘安仁西征賦地有玄灞素滄洙曰後漢

李固應詔對曰陛下之有尚書猶天之有北

斗為天睚舌尚書為陛下之喉舌也劉

安招隱王孫遊兮不歸春草生兮萋萋

涕灑不能收哭君餘白頭兒童相顧盡宇宙

此生浮悵然何江雨銘旌濕湖風井逕秋還

瞻魏太子賓客減應劉公自注公歷禮部尚

洙曰蕪城賦歌曰邊風起兮城土寒井逕

并丘隴殘趙曰魏文帝為太子時應瑒劉楨

並見友善洙曰文帝與吳質書昔年疾疫親

同禮曰九夫為井又曰夫間有遂上有徑

獨坐

悲秋回白首，倚杖背孤城。江歛洲渚出，天虛風物清。滄溟服衰謝，朱紱負平生。仰羨黃昏鳥，投林羽翮輕。  
朱紱曰：本一作滄溟，恨衰謝。趙公為尚書郎，賜緋矣。故云。

朱紱

哭李常侍嶧二首

一代風流盡，修文地下深。斯人不重見，將老失知音。  
自是短日行梅嶺，寒山落桂林。長安若箇畔，猶想映貂金。  
猶有餘韻。趙曰：短日行梅嶺，寒山落桂林言。

李常侍之襖自廣南來也。梅嶺今南安軍村。林今靜江府。鶴曰：唐志左右散騎常侍隸門下中書省。皆金蟬珥貂。

青瑣陪雙入，銅梁阻一辭。風塵逢我地，江漢

哭君時。  
可痛次第尋書札，呼兒檢贈詩。  
假對發揮

王子表不愧，史臣詞。  
洙曰：青瑣謂省中門也。銅梁蜀中縣名。定功曰：前漢書有王子侯表，李常侍乃宗室之子也。

宴王使君宅題二首

漢主追韓信，蒼生起謝安。吾徒自飄泊，世事



升底選

各艱難逆旅招邀近他鄉意緒寬不才甘朽  
質高卧豈泥蟠洙曰漢高帝入關諸將道亡者數十人蕭何聞韓信亡自追之晉謝安桓温請為司馬將發高崧戲之曰卿屢違朝旨高卧東山諸人每相與言安石不出將如蒼生何楊子龍蟠于泥  
汎愛容霜鬢留歡十夜闌自吟詩送老相歡  
酒開顏戎馬今何地鄉園獨在山江湖墮清  
月醑酌任扶還

久客

羈旅知交態淹留見俗情衰顏聊自哂小吏  
最相輕去國哀王粲傷時哭賈生狐狸何足  
道豺虎正縱橫洙曰漢書翟公書其門曰一

擾亂王粲去而依劉表於荊州賈誼文帝時上政事疏云可為哭痛者一張網傳豺狼當路安問狐狸

集千家註杜工部詩集卷之十八

上集卷之十八

七

宗

藥十家

<p>藥十家</p>	<p>藥十家</p>	<p>藥十家</p>	<p>藥十家</p>	<p>藥十家</p>	<p>藥十家</p>	<p>藥十家</p>
------------	------------	------------	------------	------------	------------	------------



